

3

石門文字禪

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUN 30 1955

T5350 / 5338

三

石門文字禪卷第十一

宋江西筠溪石門寺沙門釋德洪覺範著

哈佛大學哈佛燕京圖書館珍藏印

藏書印

門人覺慈編錄 西眉東巖旌善堂校

七言律詩

春日同祖賢二道人步雲歸亭忽憶東坡此日

詩有懷其人次韻

誰家楊柳欲遮門依約東坡醉處村
捶地不堪華屋句仰天空記刻舟痕
尚餘千載風流在乞與三人語笑溫
歸路松風吹凍耳共追前事弔英寬
與客論東坡作此

東坡醉墨浩琳琅千首空餘萬丈光雪裏芭蕉失寒暑眼中騏驥略玄黃機輪妙轉風雷舌春色濃纏錦繡腸可惜騎魚上天去斷絃空壁暗淒涼

京師上元觀駕二首

及時膏雨已闌珊黃道新泥曉未乾白面郎敲金鞵過紅粧人揭繡簾看管絃叫月宣和氣燈火燒空奪暮寒咫尺鳳樓開雉扇玉皇仙仗紫雲端

閣雨輕寒歛夕氛青牛盡轂已爭奔皇州浩蕩風光裏紫陌喧闐笑語溫冠壓花枝馳萬騎簾垂繡箔卷千門特傳詔語君恩重凝睇天階謝至尊

次韻天覺進喜雪

萬馬天街聽啓關曉光佳氣潑人寰春生殿閣玲瓏外秀發園林頃刻間爲瑞懽聲浮動植爭妍詩句麗江山從教飛上朱藍袂點綴彤墀玉筍斑

別天覺左丞

童顏清光已渾圓共驚玉骨解藏年庵中篆縷長凝帳門外雲濤欲際天道眼從來無異見微蹤何幸預談禪新詩滿篋江南去又作叢林盛事傳

李德茂家有硯石如匡山雙劍峯求詩

曾次能藏大千界掌中笑看小重山飛來華嶽一峯

撰述
石門子補卷十一
失幻出匡廬雙劍閒偶觸篆煙雲點綴戲澆硯滴瀑
潺顏莫將道眼生分別隨意聊安几案間

余昔居百丈元夕有詩後十年是夕過京師期

子因不至

北游爛熳看并川重到皇州及上元燈火風光記前
事管絃音節試新翻期人不至情如海穿市歸來月
滿軒忽憶寒崑曾獨宿雪窻殘夜一聲猿

都下送僧歸閩

汴水悠悠去不回綠波垂柳眼初開日邊無意事迎
送海畔有山歸去來白却人頭忙日月緇飄山衲亂

風埃此行若到忘情處拂石猿聲後夜哀

夜雨歇懷淵才邦基

劇笑無因見秀眉勞生會合恨難期永懷京國舊游
處伏枕夢魂初破時戰葉蕭蕭山雨後遶牀唧唧草
蟲悲明年定復西歸去船尾何妨載我隨

寄權巽中

摩雲標格久去眼傳得詩詞錦段新雪玉在躬秋滿
鬢風雷爲舌語驚人留連南浦西山雨棄擲鑪鋒繡
谷春何日詩肩擁寒帔對牀聽我說京塵

書承天寺西齋壁

半年客食毗陵寺頗厭塵埃污衲裙雖有一身猶外
物且將萬事付浮雲忽思放浪佳山水要與頑麻散
骨筋涼夜滿庭風露重竹梢微月欲紛紛

靈隱送僧還南嶽

海隅相識笑談餘清境同疑在玉壺方作靈山棲小
嶺又隨茗水出東吳透鬚白雪驚衰老脫手青春入
歎吁懸想他年衡嶽寺雨窓相對話西湖

宿靈山示月上人

地靈形勝自天成山色溪光潑眼明北岫飛來么鳳
落東隣相去一牛鳴霜筠遶寺秋無數璧月臨軒夜

更清已約高人結蓮社他年香火寄餘生

送僧歸石門

曾學雲庵逸格禪別來江柳幾春煙相逢水寺初嘗
橘忽憶風簷共擘蓮遙想到山寒食後却思分首上
元前與誰振策西湖路清曉一聲啼杜鵑

至西湖招廓然遊春

別後西湖長在夢相逢氣韻宛清真劇談要使君頤
脫大笑從教坐客瞋淮海飄零方見友湖山秀絕更
逢春快當火急追清景莫厭尋幽散策頻

廓然得石門信歎其踵席非其人用韻酬之二

首

相對天涯歲月新石門消息遠難真乘閑且覓幾場
笑疾惡休生一念瞋觀鷺芙蓉方破暖藏鷓柳色又
殘春光陰如此空搔首行誦知歸倦鳥頻
頽網安得見重新紅紫紛紛正亂真已矣無才吾自
歎慨然有志子宜瞋閑尋陳迹消磨日強作新詩挽
絆春振策蘇隄朝復暮路人應笑往來頻

廓然再和復答之六首

獨立湖邊一笑新紛紛世事信非真竹林逢寺端須
往藜杖敲門不怕瞋僮僕見人空自若軒窓幽處亦

藏春老僧那識閑來與怪我時時過此頻

與君藉草湖邊坐聽我論懷句句真慵闔睡魔強分
怯懶酬詩債不須瞋亦知人壽一百歲已識老來三

十春相見幾回開口笑憂愁風雨可勝頻

湖水行歌鴨綠新吳音清軟十分真但知客子幽情
快不管游人醉眼瞋戈昔曾聞能倒日筆今猶喜解

收春剩將詩句藏深篋歸去須知展玩頻

處處山川俱勝絕滿村風物自純真橫舟隔岸殊堪
喚吠犬隨人不識瞋歸鳥獨飛當晚照鳴鳩相應正

深春心期卜築藏幽隱忽笑行行指劃頻

湖山昔夢雖非實開曉今游未必真久客情多空自
厭故山歸晚欲誰暝聊將愁裏十分興更賞湖邊一
半春君儻肯來尤所願莫辜日日作詩頻
繞舍初晴對意新出門幽鳥語如真催耕布穀殊堪
聽勸客提壺却莫暝壠麥約風遠有浪海棠經雨忽
添春可憐好景無人共回首斜陽太息頻

明日欲往龍華瞻大士像廓然和前詩敘其事

又用韻答之

雙林大士不復見聞說龍華畫像真要向冰霜識風
骨願求清冷洗貪瞋空庭再拜儼如在扣几重看喜

勝春我亦鈍根期聽法質疑他日故應頻

又和前韻二首

頭白逢人宛似新自嗟世態不容真君才廓落宜無
合我語剛強屢被瞋千里來尋非愛雪一時行樂謾
游春隣居冷淡應相笑數夕溫然語話頻

篇篇俊逸間清新老閱羣才始見真秀却採蓮溪畔
態豪吞指壁柱邊暝肺腸舊信能纏錦文字今知解
鬪春筆力肯低容我和詩成無惜寄來頻

偶讀和靖集戲書小詩卷尾云長愛東坡眼不
枯解將西子比西湖先生詩妙真如畫爲作

春寒出浴

然見詩大怒前詩規我又和

二首

居士多情工比類先生詩妙解傳真只知信口從頭
詠那料高人作意瞋雲墮鬢垂初破睡山低眉促欲
嬌春何須夢境生分別笑我忘懷歎愛頻
輕狂舉世誰非僞遲鈍知余却甚真未把僻懷投俗
好且將狂語博君瞋已嗟心折垂垂老忍看花飛片
片春滿眼閑愁圖不得江南無奈到心頻

錢濟明作軒於古井旁名冰華賦此

刮地陰風剪玉塵那知此井解藏春折膠墮指嗟時

事秀骨温顏似主人碧甃湛明堪數髮小軒深靜可
收身超然高趣真難及浪士愚溪一笑新

鍾山悟真庵西竹林間蒼崖千尺歲久折裂余

與敦素行山中至此未嘗不徘徊庵僧爲開
軒向之盡收其形勝名曰兩翁作此

水邊脩竹纔堪數竹外蒼崖已半頽我輩自追方外
樂軒窻誰爲此間開待邀山月三人共要聽松風萬
壑哀坐久篆畦香遶遍碧消煙縷雪殘灰

次韻敦素兩翁軒見寄

識暗長嗟未燭微坐令歸夢遶崑扉忽驚塵土登須

鬢已覺雲山負衲衣孤坐知君扶瘦策此詩慰我脫
危機天藏鍾阜一區勝乞與君儕爲發揮

大風夕懷道夫敦素

病覺春寒花信重起來散策夕陽中方收一霎挂龍
雨忽作千林顛鷄風淮水粘天雪翻浪吳山吐月鏡
緣空二豪詩眼應驚覓句遙知與我同

宿鹿苑書松上人房二首

數峯煙翠疊黃昏忽見松間窈窕門好境未將佳句
寫幽懷先與故人論隔林每恨音容阻此夕相逢笑
語溫雪意不成應有月夜深同看湧金盆

冷齋託宿自携衾臥聽松風度栗林黃卷青燈紙窓
下白灰紅火地鑪深夢回清響春崑溜夜久幽香噴
水沉慣作橫刀眠下板爲君令有住庵心

李師尹以端硯見遺作此謝之

歛珍先數刷絲紋那料端谿更逸羣已作退閑今似
我溫然自重尚如君豈宜禪室埋聲價合在文場著
策勲忍垢風櫺應有夢夢隨筆陣掃煙雲

次韻王節推安道見過雲蓋二首

湘山名與故山齊寺在沙村斷岸西繫馬槐根秋雨
歇倚欄雲際莫猿啼公宜談笑光臺閣我合摧頽老

澗谿袖有新詩如瀉出逼人駿氣不容羈
睡起春衫取次披髻雲隨從倚欄時生憎柳底鶯聲
巧不分花前日影移伊昔笑來憂易老而今思去恨
難追林梢懸挂團團日無語東風玉箸垂

宿石霜山前莊夢拜普賢像明日到院見壁間
畫如所夢有作

十幅蛾眉紫翠寒何人逸想發毫端忽驚瑞色雲間
相曾向清宵夢裏看影像不真心自寂悟迷無隔指
空彈了然一念非新故我與羣生入正觀

贈湧上人乃仁老子也

照人風骨玉頎然來慰衰途亦自賢肝膽秋光磨洞
徹齒牙嶽色嚼芳鮮應傳畫裏風煙句更學詩中文
字禪已作一燈長到曉定能百衲不知年

道林喜見故人

十年一別今重見風度依然照映人韻勝折松秋露
骨氣和寒谷夜生春三都君已傳名譽萬事吾今付
欠申夢境樓鐘同此聽獨尋陳迹記前身

送日上人歸石門

三界無家誰適從大千俱集笑談中江南湖外夢到
曉宴坐經行月運空孤死懷生正丘首鳥棲知暖擇

南風石門今日名天下想見沿崖一徑通

靈隱山次超然韻時超然歸南嶽住庵勸之

君亦工詩苦入神冥搜物象故應貧客兒亭下纔相
見巾子峯前便卜鄰夢裏筆期生藥萼胃中鏡懶拂
埃塵何當鉤斧住山去要看青原一角麟

湘山獨宿聞雨

殷牀鐘靜自垂簾庭樹無聲欲雪天山寺淒涼容我
宿地鑪深暖枕肱眠銅瓶秋蚓爲誰泣蠟燭春花亦
自妍夜半夢回聞驟雨十年縱跡一茫然

讀三國志

無計酬勞夏簟涼遺編枕上閱興亡氣增髯竟從玄
德笑裏瞞徒造子將漢鼎未移存北海蜀兵已挫失
南陽莫將勝敗論人物忠義千年有耿光

妙高老人臥病遣侍者以墨梅相迂

高絲纔歇轉輕雷無數晴峯笑靨開大士已聞方臥
疾小空端遣出山來寶方世路知無隔俗駕山靈故
勒回多謝高情餞春色十分渾在一枝梅

別李公弱

殘紅換得綠陰成隨分開愁取次生須信百年終有
別未能一日便無情何時嶽色君同看後夜湘晴我

撰述
石門文字禪卷十一
獨行好在西園行樂處爲誰依舊月華清

贈關西温上人

鐵面關西氣逸羣平生蹤跡付浮雲
瓜州渡口曾同泛石廩峯前又見君
荔子招呼閩嶺外白粳留滯汝江濱
拄藤更入西川去要讀豐碑未見文

將登南嶽絕頂而志上人以小團圓夸見遺作

詩謝之

壑源獨步寶帶夸官焙無雙小月團
未作濃甘生齒頰先飛微白上眉端
湯聲蜂穉秋窓晚乳面驚兒春甕
寒飲罷爲君登絕頂俯臨落日看跳丸

題草衣峒

鉏頭當枕草爲氊曾與高人說任緣
豈料大嫌沽世價未應虛費買山錢
閑編木葉輕於紙細葺蘆花軟勝綿
石室至今增壯觀可知千載得人傳

與僧游石頭庵

我攜骨面潛谿子來訪西山鋤斧庵
夢蝶人驚猶栩栩藏鷓柳暗已毵毵
峯連小閣宜春望水遶重城隔夜談
欲喚扁舟尋熟路與君支策上千崑

題還軒

老去情枯道自肥大刀破鏡露全機
山邊湖水無行

撰述
石門齋雜錄
路枝上春禽亦倦飛
半夜舟移空壑在
故鄉家是昔人非
炷香閱徧楞嚴義
坐看煙消一縷微

送曉上人歸西湖白閣所居

我憶錢塘雪鬢新
三年東望肺生塵
那知南浦清湘岸
忽見西湖白閣人
熟視音姿疑夢寐
便驚風物有精神
倏然又入千峯去
惆悵孤雲野鶴身

法輪齊禪師開軒於蒼葡萄叢名曰蒼葡萄二首

人世百年蝴蝶夢
紛紛栩栩逐春繁
觀根戲掃旃檀座
隨意爲開蒼葡萄
園君每據梧深有味
我來欲問自忘言
叢林何必猶迷照
香在枝頭不在軒

響石岫嶠峩峩峯下寺
小軒開處近山房
苾芻來問宗風事
蒼葡萄爲熏知見香
聊復淡然成獨坐
從教此語徧諸方
鈍根不識金輪轉
摘葉尋枝謾嗅芳

南嶽法輪寺與西林比居長老齊公築堂於丈

室之西名曰雪堂作此寄之

法道陵夷賴典刑
此堂真有救時心
坐令衡嶽爲嵩嶽
便覺西林近少林
面壁高風知獨振
蒼花細雨爲誰深
故應弟子分皮髓
未愧駒兒善古今

送覺先大師覺先參佛照圓通二老

浮玉道人雷電舌
法雲老師冰雪顏
後來事聽諸方

外先數君游二老間只把黑甜酬世味從教螺鬢有
詩斑乘秋曳杖歸何處萬疊匡廬是故山

宿慈雲

門前便是小曹谿只欠孤猿嶺上啼水磨自鳴當澹
澹漁舟閑泊近沙隄經游況是開心遠富覽誰能與
物齊一宿少留終未足會須移錫向高棲

和答素首座

勘破諸方剩得閑歸來嶽寺掩深關我行淺麓驚回
地君在翔鸞杳靄間契闊獨期當再見峻嚴爭說不
容攀勿矜出岫無心久弱羽衝風亦欲還

道林送鴻禪者江陵乞食

一篙湘水碧於螺瑩淨無痕不受磨曉霧有情呵素
鏡東風作惡卷纖羅老來談笑追隨少歲晚別離頭
緒多浦口送君聊倚杖會看歸棹掠晴波

還太首座詩卷

料理詩情難復難縈心結思傾毫端奪回天地英秀
氣坐令落紙生風寒老猿夜月叫蒼壁孤鶴曉霜疏
羽翰精神清韻知幾許付與後來能者看

送秦少逸

秦郎毛骨玉壺秋望見令人忘百憂便覺宗之未瀟

撰述
石門文宇補卷十一
洒肯容如晦獨風流來爲南嶽倏然別去作東華爛
熳游想見醉圍紅粉處雪牋佳句挽銀鈎

送僧歸筠

西津渡口唐朝寺到眼瀟湘厭飫看誰遣松聲環坐
榻更令嶽色墮欄干君如鳥倦今知返我與鷗盟久
已寒想見若耶溪上路正嘗蘆橘帶甘酸

宿臨川禪居寺書方丈壁

雨過沙村繫客船行間樓殿帶晴煙夜深霜月涼於
水門外雲濤遠際天禾稻豐登如棄土菱蓮甘美不
論錢好峯不住猶行役忽憶鍾山掬澗泉

朱世英守臨川新開軒而軒有槐高數尺因名

之作此

聖朝賢佐蔚如林天獨於君著意深喜氣欲傳黃閣
信夏窓先露綠槐陰望雲忽起懷親念隱几難忘濟
世心他日此軒成故事壁間應載野僧吟

世英梅軒

平生忠孝兩難忘乞得隣州近故鄉清白夜晴千里
月肅嚴秋迥一天霜數行經徹臨清曉半印香消倚
夕陽記取東軒談笑處庭梅他日似甘棠

送琳上人

并序

孔子之門弟子三千人咸曰孔子自生民以來未
有獨宋司馬桓魋害之欲殺者數矣未濟其欲猶
至於伐樹削跡自是觀之則能賢者固難而知賢
者亦未易得者琳能口山谷又畜其像別余訪了
翁豈可多得哉作此送之然琳曰明年當過谷山
游南嶽諸刹也

髯琳身小膽崔嵬嚴冷中藏熱肺懷京洛歸來嘗自
說湘山游徧與誰偕解將骨董藏涪叟又負簷簞訪
了齋更說開春南嶽去要尋浯水看磨崖

次韻信民教授謝無逸游南湖

春游每覺客愁消最愛晴湖漲柳橋鴨綠皺寒初并
岸鶯黃照影自垂條惱人風物今如許著意春光已
不撩但得與君同一醉何辭日日作詩招

思禹兄生日

文章瑞世本竒豪風鑿霜天夜月高且袖玉堂批誥
手戲來山邑試牛刀意長千里奔頰尾恩重三山壓
巨鼇滿薦壽觴何所祝祝公親見折蟠桃

崇仁縣與思禹閑游小寺啜茶聞碁

平生閱世等虛舟臨汝重來又少留攜弟來逃三伏
暑入門拾得一軒秋隔牆晝永聞碁響陰屋涼生見

樹幽又值能詩王主簿飯餘春露啜深甌
余居臨汝與思禹和酬甌字韻數首後寓居湘
山思禹復和見寄又答之

涔蹄小邑著吞舟未起風雷更少留饌客酒酣顛玉
纈侍兒歌送眼波秋詩成榭葉江村處想見楊花院
落幽綺席憶曾蒙設醴預聞談笑把空甌

次韻蔡儒効見寄

獨宿圓廬意自清夜涼林木寂無聲鏡中白髮今慵
剃夢裏浮華已懶爭故國別來空好境舊游誰共讀
題名遙知他日重相見握手應驚太瘦生

金陵初入制院

依然收付建康獄拴索瓏璵驚市人寄語小兒休黝
相未妨大士戲分身懶於夢境分能所枉把情緣比
客塵笑視死生無可棟目前刀鋸若爲神

寄超然弟

深掩園扉夜向闌夢驚清境慰辛酸臥聞瓦壠集微
霰起覺衾綢壓薄寒憂患飽經心老大雲泉歸晚鬢
凋殘書空偶爾成詩句寄與西林阿永看

初至海南呈張子修安撫

南來稍復召驚寬知有留侯異代孫未即解衣甘九

撰述
石門文宇補卷十一
六
死試令騎馬賦千言瓊山有月光相射玉海無風浪
自翻戲下應傳獲羅什禿頭爭看戴華軒

抵瓊夜爲颶風吹去所居屋

貪看長鯨吸舟楫忽驚嬌蜃吐樓臺朦朧醉憶王城
別汗漫游從海國來夜半颶風攜屋去朝來瘴霧放
天回會須橫笛騎雲背笑響從教落九垓

出朱崖驛與子修

投老南來雪滿顛羈囚不自意生全久爲白骨今重
肉已臥黃泉復見天報德定應追結草効忠那肯愧
殮瓊此詩清絕如冰雪乞與江山洗瘴煙

別子修二首

疆場探騎斷犇埃院落棠陰暗綠苔上疏乞閑追鮑
龍載書歸老繼吳恢爭懷父母三年化愁見風帆十
幅開勿剪青青堤下柳念公遺愛手親栽
漂泊孤蹤一轉蓬語音雖在變形容瘴鄉猿鳥今爲
伍螳穴王侯昔夢封海闊盲龜登木孔山高纖芥落
鍼鋒公歸不得參行馭心折淮南紫翠重

蔡州道中

北來行盡關山道梁宋郊墟眼力微飲食甘酸雜淮
甸語音清軟近京畿黃塵又向九天去槁項新從萬

里歸投老不堪行役苦手遮西日想崑扉

余號甘露滅所至問者甚多作此

老儼化身甘露滅不妨須髮著伽黎虛舟閱世鴟夷
子慧筵除王伯齊香火共修心老大樓鐘重聽意
淒迷餘生未覺全無累折脚鎗猶手自提

海上初還至南嶽寄方廣首座

天風吹笑落人間白髮新從死地還往事暗驚如昨
夢此生重復見名山倦禪想見堆危坐知法應拋放
縱開初嚼芳鮮動詩思一篇先寄倩君刪

陳生攜文見過

海外歸來兩鬢秋自嗟無地可逃羞攜筇肯過驚時
聽炊黍能爲信宿留睡觸屏風譏富貴笑分嚮社致
公侯遺編家世丹青著鐵硯磨穿未肯休

至筠二首

乞漿問路到筠溪天氣清和得所宜父老相逢班草
坐風光初過採茶時摩挲禪榻營春睡想像齋厨辦
晚炊白首不知舟壑走壁間來讀舊題詩

偶喚歸舟隔亂谿春山偏與晚相宜自尋熟路懸崖
去正是新秧刺水時身健已如秋社燕夢回猶看客
亭炊雨窓燈火清相對畫出淵明五字詩

示超然

秋光滿鬢萬事死慚愧眼明牙齒牢野寺閑眠聽風
雨海山猶夢渡雲濤事非白傅方驚鼎迹隱庖丁已
善刀一徑莓苔三十載未容此老獨竒豪

九日

去歲重陽瘴海濱病拈霜藥嗅清晨身閑已斷思歸
夢山好仍逢稱意人卯飯露葵欣旋摘夜窓風栗共
嘗新妙年衲子應相笑癡鈍耽源老應真

二十日偶書二首

春林院落曲欄東小立初迎到面風冰齒寒生花坼

信濕梅煙重雨毛空病衰老去登臨倦節物年時氣
味同却掩鑪煙閉深閣忽驚西日借窓紅
此生早衰坐世故末路易歸驚嶮嶮艱臨事無疑知道
力讀書有味覺身閑解醫憂患臂三折難隱文章豹
一斑永媿皖山赤頭璨不令姓氏落人間
陳瑩中左司自丹丘欲家豫章至湓浦而止余
自九峯往見之二首

鴈蕩天台看得足却搬兒女寄蓬窓徑來漳水謀三
頃偶愛廬山家九江名節逼真如醉白生涯領略類
湘龐向來萬事都休理且聽樓鐘噓夜撞

撰述
不月三十一
與公靈鷲曾聽法游戲人間知幾生夏口甕中藏畫
像孤山月下認歌聲翳消已覺華無蒂鑛盡今知珠
自明遠壑夕陽殘雨後一番飛絮滿江城

次韻李端叔見寄

一官游戲且同塵夢寐江湖亦可人軒冕久知身是
寄魚鰕纔說口生津解嘲鏡裏蕭疎髮時吐毫端浩
蕩春自古浯溪好風月買山終欲與君隣

赴大原獄別上藍禪師

平昔巾盂共空壁只今樓觀礙層霄道心針水妙應
在俗眼雲泥謾覺遙道路爲家身是寄死生如夢意

全消明年五頂東游徧來聽吳音發海潮

太原還見明於洪水上藍問明別後嘗寓則曰

十年客雲居感歎其高遁作此

清軟吳音笑展眉芳鮮猶在雪霜姿十年不下歐峯
頂一旦肯來漳水湄湘巘春深重記處風甌雨歇對
聞時紅塵未可因藏跡要卜雲泉結後期

溫上人自廬山見過

雀羅門巷榻凝塵千里相尋駭四隣好事真誠虹貫
日照人清氣水含春忽驚我禍今無比高笑君癡亦
絕倫此別遙知想標格淺雲東崦對冰輪

荷塘暑雨過涼甚宜之見訪作此

居近池塘春意
在路穿空翠夕陽多
隔林放鹿哀怨
語掠水幽禽撲
攏過得雨村囂覺
風味分秧天氣愛
清和莫辭坐穩
相尋數酣戰難回
指日戈

重會言上人乞詩

海外歸來五見春
黎衣兩識帝京塵
此生已覺渾無
累爲累空驚尚有
身厚善最憐山解
事歲寒更愛月
情親驚峯峯下重
相見雪作飛花一
笑新

誠心二上人見過

破夏來尋甘露滅
快人如對水晶輪
煙雲掃盡詞傳
意知見不生情透
塵旋縛茅茨吞遠
壑偶臨簷隙見
歸入露芽便覺如
浮雪品坐同分一
盞春

秋夕示超然

殿閣知誰燒夜香
矮窓燈火試新涼
草蟲對語僧臨
砌露葉翻光月轉
廊補綴高風三韞
破除一夢一
匡牀與君遊徧人
間世折脚鐺中味
最長

鞦韆

盡架雙栽翠絡偏
佳人春戲小樓前
飄揚血色裙拖
地斷送玉容人上
天花板潤霑紅杏
雨綵繩斜挂綠
楊煙下來閑處從
容立疑是蟾宮謫
降仙

石門文字禪卷第十一

丹陽居士賀學禮施刻此卷
海塩了緣居士
 對長洲徐普書
上元陳於刻
 萬曆丁酉仲秋徑山興聖萬壽禪寺識

石門文字禪卷第十二

宋江西筠溪石門寺沙門釋德洪覺範著

門人覺慈編錄 西眉東巖旌善堂校

七言律詩

謁靈源塔

高颿駕浪過南溟那料歸來掃此亭
 桃李成陰春老大谿山好在鬢凋零
 瓦燈已照宮商石卯塔分藏服
 匿瓶春雪尚能知客意蕩除毛孔瘴煙腥

春日會思禹兄於谿堂

門前谿水蒲萄綠風掠松窓料峭寒
 忽憶十年同禍

福那知今日共盤殮盡籤書策齊幽架已買漁舟泊
小灘君會不嫌村落僻乘閑來此弄漁竿

招夏均父

北山深轉青松壑萬疊煙霏空翠堆元亮果堪中路
埃子猷那敢棹舟回鳥工魂夢尋公去蟬蛻塵埃出
郭來他日荆林談笑處行人應指兩翁臺

贈僧

欹枕無人夢自驚回廊廣殿午風清已浮春露澆詩
膽更炷水沉重道情憂患撼牀聞螿鬪功名殷鬢作
蚊聲欲依淨社陪香火僻處安排折脚鐺

資國寺西齋示超然二首

對眠偶此風雨夕又近寒嵒榭葉村謝晝未焚風墜
在韋郎不見語言存歲時暗覺持山去憂患空驚斫
水痕綠髮彫零心已死成蹊桃李落華分
人間炊黍未及熟萬事只今歸欠申已織青駒餞華
騮更披白恰稱閑身遺編終不求甚解故人但願長
相親去年此日瓊南岸漲海翻天探騎塵

贈寄老庵僧

自憐玉鉢雙峯信來訪牛頭懶比丘山色深濃過夜
半月華清亮近中秋已欣境勝如龍阜更覺庵幽占

鳳頭夢幻此身猶且在杖藜投老得追遊

懷李道夫

半篙晚漲綠楊灣接翅鷗歸霧雨殘數疊吳山圓楚
夢一番花信釀春寒別時小語依然在隔歲來書展
復看補袞胷中五色線只今應作怒蜺蟠

余所居連超然自見軒日多啜茶其上二首

三生事辦吾知要一室香凝獨掩門睡足便驚清晝
夜火紅消盡白灰存巷無俗駕螳紛繞隣有高人玉
粹溫隱比价膺猶可媿會茶時復到幽軒

功名今古一雞肋美味那知是禍根掃迹世途龜曳

尾僻居烟霧豹埋文如期見訪穿窓月不告而行出
岫雲火浴未爲無伴助塔吾遺骨尚煩君

徐師川罪余作詩多恐招禍因焚去筆硯入居

九峯投老庵讀高僧曇諦傳忽作數語是足

成之以寄師川師川讀之想亦見赦二首

歸來臥起有餘適老去消磨無雜緣門外不知何歲
月夢中亦覺在雲泉千年高道誰酬價一世清閑我
賣錢安得道人江北去此詩先錄寄師川

古書漫滅字爛斑眼倦頽然整頓閑以法爲親踈世
相視身如幻寄人間業緣有盡今脫手老態無因日

撰述
石門文字雜卷十二
三
上顏已辦一瓢期澗飲要剗余潤到崑山

雲崑寶鏡三昧

寶鏡當機不密傳纖毫滲漏墮言詮圓伊三點分賓
主妙挾雙明絕正偏暗裏丹青元異色句中涇渭本
同川嬰兒索物哆啞耳與物寧瞋語未全

過永寧寺

已背荒南過永寧犯寒呵手捉枯藤雪如鏡底頷絲
白山學誰家眉黛青射影風光知脫離伐冰門巷覺
添增故人不用驚風帽我是前身臥像僧

十一月十七日發豫章歸谷山

急景窮冬一千里筍輿部曲去忽忽候船班草江津
岸曝日探簷山店中袖手歸休今日是隔生冤債轉
頭空湘西雪後青松徑想見聲盤萬壑風

立春前一日雪

明日立春今日雪雪中殘響滴虛簷方增謾說寒威
在不絕潛知暖氣添客去旋開書對語閑多偏與懶
相兼湘山自古愁眉淺縱御鉛華不到尖

明年湘西大雪次韻送僧吳

夜殘陡覺寒生骨夢斷空驚月轉簷瓶響臥聞秋蚓
泣火紅起撥白灰添欲酬清景尋儂去更棹扁舟與

子兼要倩新詩寫愁絕笑呵凍硯蘸毫尖

題清富堂

此堂冠絕湘西勝枯木名多道不窮用谷量雲當衣
鉢以江盛月展家風買山歸隱真寒乞借竹為軒落
笑中綠錦漲連青玉浦剪裁磨琢費詩工

湘西暮歸

筍輿鼓角背層城湘水涸盡行沙汀嶽麓雪雲獻樓
閣橘洲煙雨學丹青此生多艱付跛挈投老餘閑到
寂惺蒼鬣萬身門窈窕歸來風葉掃空庭

效李白湘中體

筆

夕光江搖魚尾紅何處扁舟開晚蓬鴈字初成春有
信烟鬟空好雨無蹤荒寒數葦橘洲岸領略半窓湘
寺鐘浦口行人已爭渡林下歸僧欣一逢

次韻王舍人蘭室

起藝清香試返魂松花閑泛刷絲紋幽齋事業誰同
辦小斛蘭叢手自分家世到今猶玉食交朋強半在
青雲笑談麈尾延僧宿要聽清言洗俗氛

次韻熏堂

無言桃李已垂陰小雨南風自滿襟佳客偶來持茗
盃寶書看罷整瑤琴未容絲竹陶閑適盡把雲山付

醉吟圖畫麒麟他日事不將行樂負初心
無言次韻寄傲軒小爾南風自蕭蕭

道夫飛鳥倦知還一鉢安巢又故山無累自然增逸
興有名終恐廢長閑背時生計風煙上隨意園林指
顧間應笑市朝爭奪者暗驚清鏡失朱顏

步蕤次韻吏隱堂二首閑心無絲絲幽夜事業猶同

拄笏西山爽氣新萬人如海一閑身堂中自蠟登山
屐門外從增沒馬塵美祿方辭綠肆志華軒偶羨見
清真遺編半掩思標致未必今人愧古人

此堂華構面層城意趣追回萬古情落帽被嘲真有
道買金償謫亦求名黃庭卷掩凝香縷畫戟門深入
衛兵安用山林笑朝市戲將軒冕寄餘生

曾開次韻集虛堂亦求名黃庭卷掩凝香縷畫戟門深入

從來鮑靚有仙風腦滿方知氣自冲萬事收藏微笑
裏十虛俱集一塵中乾城不礙丹青色天女何殊大
小空滿地落花春寂寂岸巾時倚曲欄東

次韻宿東安十里歌兒笑

淡雲缺月兩微茫獨酌沽來竹葉香已把功名比雞
肋更驚世路似羊腸心情老去俱消盡詩律年來覺
倍強解誦東坡北歸曲此身安處是吾鄉

次韻宿黃沙

無計遮攔歲月飛，歲除江寺老垂垂。
自圍紅火堆危坐，熟讀黃沙感歎詩。
已笑因山論肥脊，更驚逢水說分離。
重湖去國三千里，想見殘缸夢斷時。

次韻雙秀堂

窓戶青紅花木繁，午陰脩徑接深關。
人如巢許逃名迹，山學娥英露髻鬟。
採菊悠然常獨見，望雲時復對僧閑。
夜聞松雨驚飛瀑，疑宿匡廬黃石間。

次韻垂金館

風簷負日背胡牀，千顆初驚昨夜霜。
嘆霧香爭和露擘，過墻枝作照林光。
佳名曾用題書尾，小字仍呼背藥囊。
先與兒曹爲美兆，讀書窓映芻頭黃。

次韻贈慶代禪師

蓮峯千葉吐晴烟，玉頰遙知一粲然。
梅塢雪消香錯莫，庵僧老盡氣完全。
暗驚夢蝶人間世，回看醯雞甕裏天。
誰見清言橫麈尾，滿庭風露竹娟娟。

次韻宿清修寺

湘山也學廬山好，落瀑聲飛繡谷風。
正欲來歸向兒說，戲將收拾入詩中。
浪驚醉枕寒松響，春滿茶鐺活火紅。
清景骨飛嗟未到，故應唯許夢寬通。

次韻自清修過大瀉亂山間作
行盡湘南盡處山愛公高韻不容攀會當拭目瞻雙
闕應笑尋幽到百蠻甚欲解鞍休犖确更能搢手弄
潺顏定知醉看千崑曉大字題名石壁間

真天次韻郴江有作

持節南來喜欲狂弄舟時得棹清湘然膏獨宿率牛
洞枕玉曾眠錦瑟傍未可便尋閑作伴不須先以醉
爲鄉金城馳至陳方略要指先鋒一破羌

樂豐次韻題罷徭亭

聞君新構罷徭亭邂逅河源又報清郡郭不輸天子
賦谿山偏協野人情唐虞暇日饒耕鑿秦漢當年浪
戰爭風月倚欄如可借待攜斗酒話昇平

次韻題西林廓然亭

堂堂葉脫露遙天自炷臨軒一穗煙貴客獨遊聊爾
耳道人相見亦欣然是身已悟浮漚久萬象中觀寶
鏡圓寄語橫機莫相試刻舟甘作小乘禪

雲風次韻題方廣靈源洞

萬峯剔卓起孤峯慚愧靈源與世通花異空懷上林
苑夢清疑宿廣寒宮泄雲吐雨遮金地濺雪跳珠落
石忙裏爲君成妙語豐碑正欲就崖巖

次韻題高臺

午梵知藏釋梵宮危臺遙喜石橋通下無俗駕攀緣
至中有高人笑語同解執易爲摩詰語經行難續德
雲風千崑萬壑吹松雨替說儂家勝義空

次韻題上封

天柱唯連紫蓋峯路危不與衆峯通瓢沾狹徑疑相
值芋火何人想此風借榻醉魂窺凍螿凭欄詩眼送
飛鴻空嗟千偈出山去半摺遺編看未終

次韻邵陵道中書懷

邵陵山水麗風光游徧歸來夜話長秋翠等閑開雉
堞驚湍哀怨韻笙簧隨鞍此景憑詩寫他日塵紛一
笑忘上閣與誰同小立墜金柱笏說三湘

次韻雨中書懷

剽雨殘晴暴所長客窓花氣噴餘香每懷追逐雲泉
慣無計遮攔歲月忙誰謂伐冰連戚里年來盡室泛
沅湘詔書行看椎門至已覺眉間一點黃

次韻題化鶴軒

當年舉網得雙鳥想見胎僊風度幽朱頂顧吾今未
識長身意子是其流山家趣味無人共王事經過作
意游千里帝城何日去不妨佳處且遲留

次韻題澹山崑

華屋張燈展畫屏當年織手指崑局宦游那料重湖
隔醉裏空驚疊嶂青繡口詞章人復見筆華聲價夢
通靈詩成獨立西風晚滿眼歸心插羽翎

次韻游浯谿

浯谿山水今無恙浪士曾為爛熳游大字中興餘斷
碣小舟空此醉垂釣詞源不減無雙譽人品當時第
一流地坐摩挲增歎息高標想見尚橫秋

次韻題南明山凌雲閣

獨上凌雲百尺樓欄干一曲一遲留丁丁樵斧空山

裏泛泛漁舟古渡頭蔽日綠陰鳴好鳥際天芳草牧
青牛回頭城市分塵土堪笑王孫取次游

次韻言懷

此身已覺此生浮去作雲山老比丘古寺閑門人莫
問寒綃蒙首涕慵收道林風月心能了子美工夫志
未酬為問太原王處士一甌春露可同不

次韻宿聖谿莊

家聲十輩擁朱輪更畜青牛解鬪犇應念高樓閑舞
袖故憑山月洗吟魂助春泉落量雲谷輸稅人歸吠
甌村被冷夜晴成好夢馬隨香霧入修門

撰述
石門文字雜卷十二
次韻拉空印游芙蓉

翰墨平生氣吐霓詩成先喜示筠谿山中見客應偏
好筆力知公不肯低夜寂據梧飢鼠出崑空同聽怪
禽啼上方聞說非人世更陟綠雲第幾梯

次韻縱目亭

高情與客凭欄處便覺身藏語笑中已許此生當樂
死不辭老去坐詩窮遙知兵衛戎衣盛只欠花輪小
袖紅絕境天藏今日獻千峯登眺豈人工

次韻游鹿頭山

吐詞秀似出盆絲好古幽情八詠思論字來尋魯公

碣因詩曾訪少陵祠留題楚俗爭傳去懶賦山靈必
有詞定價文章比珠玉此篇不獨慰吾私

次韻題清風亭

特築飛臺丈室匆便驚形勝發天藏登臨時作一聲
嘯已覺條然兩袖涼待月拭除昏霧色看雲入得野
花香君看抖擻鈴幡意欲替禪翁爲舉揚

次韻法林禪寺

聞道高人願力深幽居端與法爲林風泉松雨隨
說密室晴軒共一音意妙故應人不薦地偏還喜我
相尋夜闌更入詩三昧消盡平生未死心

次韻凭欄有作

金殿誰焚南海香
靄然芬馥撲回廊
數枝銀燭高低照
兩箇清螢上下光
風度素秋驚宿鳥
水春碧澗濯游舫
欄干獨倚無人問
細細孤吟月滿堂

次韻渡江有作

棄舟植杖首重回
隔岸遙聞津鼓催
淮上梅傳春信至
江南山逐笑聲來
行瞻瑞霧籠雙闕
更看神光發五臺
王事幸陪方外樂
爲君點筆走風雷

題善化陳令蘭室

種性難教草掩藏
蒼然小室爲誰芳
榭培几案軒窓碧
坐欵賓朋笑語香
糝地露英猶潔白
快人風度更纖長
議郎嗜好清無滓
獨有幽蘭可比方

快亭

太丘作邑付絃歌
剩得清閑可奈何
滿地棠陰驚晝永
小亭詩眼覺天多
佳眠夏簟便光滑
醉耳松風喜再過
想見句成書斐几
侍兒濃笑出微渦

次韻邵子中學句游嶽山攜怪石歸

衡嶽乘春著意游
詩詞不獨錦囊收
又攜峯頂雲房石
歸致閑齋夏簟秋
塵下笑談且同夢
胸中涇渭自分流
忽驚几案寒層出
臥看令人憶故丘

和周達道運句題怪石韻

愛山心志如君少王事何妨陟翠微怪石方欣典刑
在新詩仍寫畫圖歸客來一室煙光滿掌上千崑眼
力稀頗怪周郎賞音者獨於此境尚彈機

次韻見寄喜雨

議郎詩膽久崔嵬敏句無煩急雨催玉局波瀾嗟已
絕少陵風力賴追回蕩晴香霧吹紅藕迥地花茵疊
紫苔靜極涼生聞剝啄渡湘知有道人來

次韻題方圓庵

此物曾聞知姓名樹間斛懸林百升此庵外圓似盂

覆其地中方如鏡平善不近名真有道高非絕俗更
幽情會當日擊維摩老端作毗耶問法行
贈許彥周宣教游嶽彥周參機道者

一幅紗巾九節筇翛然生計似龐公孤雲野鶴登空
去萬壑千崑墮笑中岫嶺晴披應獨往懶瓚醉臥與
誰同遙知勘破癡禪老想見臨機面發紅

次韻游南嶽

天迥游絲百尺輕水寒時覺縠紋生琢磨佳句輸吾
弟文點春眠付老兄山寺獨來無一事竹軒相對有
餘清永懷東院成千古寂子難忘叔姪情

撰述
石門文集卷十二
次韻彥周見寄二首

詩先春色附湘船來與幽人結淨緣句好空驚碧雲
合韻高疑在白鷗前君應歸誦陶彭澤我亦南尋率
子廉想見江頭同握手採茶時節雨餘天
歸思啼禽日夜催寶書臨罷意徘徊榆錢滿地買春
去嶽色渡江排闥來行樂風光清夢曉臥披煙雨曲
屏開興來敏速詩千首落筆人驚挾怒雷

彥周借書

湘上清山爽氣浮開軒相對亦風流但工酣寢成踈
懶甚拙謀生太謬悠數筆江村供晚望一蓑煙雨助

詩愁借書知子能醫國有志常先天下憂

彥周法地弟作出家庵又自爲銘作此寄之

迂闊庵成又自誇要令妙語發天葩未容臨濟終仆
地正賴雲門已出家少日浪曾參泐水暮年端合在
丹霞贈君革屣游山去勘破諸方一笑譁

二月大雨江漲晚晴作三首

春寒作意攪吟魂欲出雲濤已濺門入畫瀟湘連雉
堞落梅煙雨暗江村依蒲覓句壯心在附火抄書老
眼昏一掬幽懷收拾得謾題窓紙與誰論

我在湘西畫牒中時高時作送飛鴻事治山翠經旬

雨印可春晴盡日風引步幽探聊自適滿懷踈快與
誰同東君傾寫無餘蘊都放山茶稱意紅

投老歸來楚水濱水清聊可濯衣塵拚心樂事都還
汝入手清閑不與人尚有笑談消白晝更無情緒管
青春暗驚少日王城外走馬爭先看寶津

陳大夫見和春日三首用韻酬之

詠君好句欲消魂想見朱幡畫戟門解組正當強健
日載書歸老水雲村虛堂風撼牙籤響密室嵐蒸畫
牒昏偶在湘山最佳處舊游閑與野僧論

無復搜詩慘淡中便能落筆敏驚鴻高情不在兩疏

後句法追回二謝風傾蓋未論桑梓舊忘年先喜唱
酬同朱顏長覺清光溢不學東坡是醉紅

詩軸來尋寂寞濱把看字字蛻埃塵江南家世休相
問陳氏文章不乏人嶽色渡江長自好桃花滿縣不
勝春克家有子如麟鳳骨相吾驚是要津

過瀉山陪空印禪師夜話

濃翠濕衣三十里渡谿知背幾重雲忽驚寶構從空
墮便覺風光與世分夜久天香凝錯莫庭閑花雨自
續紛他生曾伴安禪地此夕樓鐘復共聞
空印以新茶見餉

喊山鹿歎社前摘出焙新香麥粒光撼樹師應懷大
仰傳甌我欲學南陽要看雪乳急停筦旋碾玉塵深
住湯今日城中雖獨試明年林下定分嘗

空印見招住庵時未能往作此寄之

獨立天衣四世孫作家手段典刑存大瀉路峻諸方
讓空印風高四海聞有願欲依龍象衆無求羞逐鶩
雞羣此生一聚灰中骨終葬千峯頂上雲

空印見和用韻答之

綦布諸方盡子孫道緣渾似雪峯存全提蓋色騎聲
句直要臨機以眼聞圍繞千僧名冠世指揮萬象語

驚羣獨能收此無家客分占瀉源一塢雲

龍興禪師大陽的孫居枯木堂新植楚竹余愛
其家風爲賦之

門外追犇沒馬塵堂中安頓自由身脩筠有淚知誰
恨枯木開花爲我春隔岸雲山猶可借滿懷風月未
全貧小詩勿笑清如畫聊爲高人戲寫真

題德明都護熏堂

占叢濃碧繞虛堂堂上仙郎戲比芳香並蕙蘭終漏
泄色同草木浪遮藏過墻山潑軒窓翠吹鬢風生燕
寢涼敏豆才高家法在要看落筆擁紅粧

題季長冰壺軒

閑軒清似冰壺水
軒上人如元紫芝
坐覺秋光漱毛髮
客來春色滿談詞
寶書讀罷依蒲久
玉麈經行曳履遲
卷挂一聲林葉動
黃昏月出雪消時

明應仲出季長近詩二首次韻寄之

露葉朝陽沃棗桑
暑風吹鬢蕩蓮香
已欣點水蜻蜓款
更覺營巢燕子忙
翠浪舞翻爭漲壟
黃雲剖盡想登場
小樓楯瓦誰庭院
弱柳多情故掩藏

偶尋隣叟問桑麻
踏盡山磬糝徑花
傳得新辭春爛熳
更驚行草醉欹斜
遙知小縣少公事
想見高情照物華
尚念無家甘露滅
一蓑煙雨似玄沙

和傅彥濟知縣

句法疑君每太高
湘南山水助揮毫
暫臨小邑聊觀政
未見全牛可受刀
珠玉光難藏瓦礫
芝蘭香豈掩蓬蒿
坐令百里清如鏡
吏猾民姦豈易逃

寄題劉居士環翠庵

平生不識劉居士
想見茅庵枯粹姿
百八珠輪紅瑪瑙
萬千峯遶碧瑠璃
笑人經卷鑽故紙
彼世金珠似笊籬
折脚鐺中誰共過
小龐真是出家兒
次韻思禹兄見懷

撰述
石門先生和卷十二
十七
刺桐花映野薔薇湘水侵門過客稀此日音書經歲
隔何時麈尾對君揮樓高三楚天空闊夜久千崑月
正暉我託叢林如越鳥南枝雖穩亦思歸

次韻思禹題方竹

不改平生歲寒操近來隨世解方圓知君出異驚羣
聽顯我循常是一偏但見蒼官遭寵錫那知青士亦
超遷水花院落春風晚庭種連蕉怪石前

蜀道人明禪過余甚勤久而出東山高弟兩勤

送行語句戲作此塞其見卽之意

衆中聞語識巴音京洛沅湘久訪尋張口茹拳君聚

落垂膺拭涕我山林碧崑花墮鳥飛去蒲坐葉飄針
正絰袖裡兩勤太饒舌丈夫聲價老婆心

送珠上人重修五宗語要

五宗抄語挾風雷佛日將傾賴取回簷蔔花香已零
落旃檀塔坐更塵埃鈍根厭看摩挲去妙手端能拂
拭開當有異人來荷法叢林因子見竒瑰

光上人送墨梅來求詩還鄉

南嶽有雲留不住東歸結伴過湘湄解將踈影橫斜
句不換垂珠的皜詩癯甚鳶肩寒入盡清哉鶴骨老
難醫定知入嶺風煙暮正及追胥餽歲時

撰述
石門文宇補卷十二
送瓊大師歸禪寂

近聞禪寂似叢林
總衆能爲世所欽
百巧難磨真實
行兩塗不改歲
寒心衣今堪色
如栗色語未吳音
變楚音盛夏入城
緣底事扁舟湘水
獨相尋

贈道法師

道公膽大過身軀
敢逆龍鱗上諫書
獨欲袒肩擔佛
法故甘引頸受誅
鉏三年竄逐心無
愧萬里歸來貌不
枯他日教門綱紀
者近聞靴笏赴朝
趨

谷山沙彌求詩

十里松風長不老
一庭秋色爲誰閑
偶逢此日休新

夏偏見耆年憶故山
貧裏有秋同舉箸
法中添口共開顏
偶然弄筆成詩句
乘興留題屋壁間

贈羅道人

蛻塵標韻矯翔鸞
鬢髮樓颼風露寒
脫舄骨飛何日見
解衣沐浴萬人看
肯來從我條然住
皆說他人屈致難
戲作猫聲行聚落
自忘身是晉郎官

次韻張司錄見寄

不曾識面已傾倒
便覺胸中涇渭分
句精不減李長吉
才高大類沈休文
看山詩眼湛如水
拄笏爽氣高摩雲
他年竹屋夜連榻
妙語懸知過所聞

郭伯成榮登

快馬東風走帝京歸來門巷綠陰成頃知一第文章
貴能致三公袞冕榮子涉風波方筮探我閑几硯覺
塵生贈詩誰似王摩詰翰墨場中獨策名

題天王圓證大師房壁

閉戶不妨依聚落開軒隨分有山林殘經半掩世情
斷好鳥一聲村意深籬外霜筠森束玉屋頭露橘欲
垂金能營野飯羹紅醬渡水何辭數訪尋

寄題達軒

羊腸世路替人愁袖手歸來事事休只有信緣唯得
計不過隨分復何求數聲屬玉滄浪晚一塢黃雲穠
稭秋寄語封侯塞垣外何如高臥小軒幽

題雲崑筠軒

雨葉風枝小徑通拂砧清坐有誰同粉衣香滑秋叢
瘦泉珮丁東夜壑空半世已歸彈指內前途都付枕
肱中隄防老境猶多事折脚鐺炊腐顆紅

逍遙遊山歸見示唱和詩軸口占和之

游徧名山過水西夜談竒語盡橫機君如檻鹿猶思
奮我似棲禽已倦飛聞道老禪能眷舊更煩諸衲借
餘輝欲知勝踐多佳思懷得新詩滿袖歸

送誼叟歸北山

南臺山淺北山深深處開軒更茂林作夏懸知成契
闊扁舟乘興一相尋燈青竹屋風雨夕谿遶石門鄉
井心投老都忘身是客坐中談笑盡吳音

偶書寂音堂壁三首

巾瓶挂壁亦翛然無所營為地自偏句法不能醫老
病夢游時解到林泉扶持瘦玉筑隨步堆疊荒雲衲
半肩小住閑庭數歸鳥從教人作畫圖傳
寂音閑殺益風流寒涕垂膺懶更收得失是非都放
却死生窮達信緣休湘中戲劇三千首海上歸來十

衣

一秋齋罷展單吾自課暮年眠食更何求

霜須瘴面老垂垂瘦搭詩有古佛依滅跡尚嫌身是
累此生永與世相違殘經倦讀閑凭几幽鳥獨聞常
掩扉寢處法華安樂行蕩除五十二年非

石門文字禪卷第十二

丹陽居士賀學禮施刻此卷 海塩了緣居士
對長洲徐普書 上元李茂枝刻
萬曆丁酉仲秋徑山興聖萬壽禪寺識

石門文字禪卷第十三

齊蘇東家去華安樂行

齊蘇東家去華安樂行

齊蘇東家去華安樂行

齊蘇東家去華安樂行

石門文字禪卷第十三

宋江西筠溪石門寺沙門釋德洪覺範著

夏日門人覺慈編錄 西眉東巖旌善堂校

七言律詩

元正一日示阿慈

季真少儼三十歲儼入新年五十三疑我滿懷揣佛

法解腰抖樓破裙衫大瞻終老同香火小朗平生共

石巖深炷鑪香待清旦偶聞殘雪落高杉

今上元夜病起欲寫法華安樂行品無力呼阿慈

重刻車為錄作此

重城車馬氣成霧隔水巖叢冷欲冰昨夜窺窓先有
月今宵對語偶無僧臘高鶴骨柴崖露病起霜鬚逐
旋增欲寫寶書驚力乏阿慈能爲掃寒藤

上元後候季長不至作此寄之

和風凍雨上元後斷岸橘洲春水生村寺獨歸江路
熟竹籬誰繫小舟橫偶成詩句長哦罷謾折梅花一
嗅清想見連牀成夜語此篇先慰遠來情

夏日偶書

草樹扶疎夏簟清夢驚鬪雀墮空庭過墻雌竹已數
子出屋耄蕉終百齡雷後怒雲魚尾赤林梢刺水鴨

頭青都無伎倆酬閑寂謾搭伽梨自誦經

與忠子晚步登臺有作

僧殘寺僻游人少草滿池塘筍過籬蘆橘帶酸春去
後榴花出葉雨晴時一年事辦秧齊徧連日江寒水
退遲偶上高臺成遠眺茲游更得子追隨

和人鴈字

劃然斜去和天曉夜火相驚事已虛春信寫來無款
識東君胷次亦恢疎最難讀似成文蠹不亂行如水
上魚勿訝羲之筆神駿換鶩瘞鶴是臨書

大雪

今年未雪今日雪地迥眼新人不囂永巷掃除聞屐
響暮林翔集看鷓嬌韻高雒下應難畫興發山陰未
覺遙想見茅齋已摧壓曲肱清夢到山椒

宣和四年十二月二十四日大雪珠禪客忽至

渠以谷山退院來審是否作此示之

翻空漸密呵不止刷我當門螺髻峯銀椀滿盛談類
墮徑松深覆示藏鋒因徒逃去寧知福顯自何來不
見蹤獨擁衲衣成坐睡地鑪瓶泣伴踈慵

題鹿苑虎岑堂

平生文彩照諸方暗谷行藏草木光要使叢林想高

韻故將名字挂虛堂笑拈倚壁過頭杖閒坐當年折
脚牀進步竿頭如不薦草深門徑未相妨

次韻湖山居士見過

平昔雲岑在懷抱而今懷抱在雲岑聞泉偶爾成詩
句班草相看坐木陰古鼎自然無俗韻朱絃真是有
遺音羊欣不肯踏城市背郭江村獨見尋

題使園眇柯亭

吏散東園勝踐多落花起舞鳥能歌故應毛穎曾同
泛不獨龍文慣自磨弄影風枝空掩冉困人天氣近
清和倚欄欲去猶回首奈此霄晴月色何

題翠靄堂

虛簷碧瓦臨無地吐月吞風六月寒簾捲煙光搖戶
牖雨餘嶽色墮闌干侍兒自炷真龍腦座客同分小
鳳團誰謂太平本無象規模堪入畫圖看

迎爽樓

危樓華構倚青冥卷盡晴嵐獨自登去鴈橫斜紛點
點好峯青碧露層層勝游與客同清賞佳處題名在
翠筠凭檻不堪衰眼力候船津渡見歸僧

送太淳長老住明教

三玄三要古難分劈破從教別突崙父母未生前一

笑言詮不到處重論椎開臨濟百年意推出汾陽六
世孫何用老婆更饒舌暗中五色自成文

送英長老住石谿

三玄三要沉埋久正令重煩振此宗陷虎機關須毒
手活人眼目貴藏鋒真誠莫負叢林志大願當追佛
祖風覆頂把茅休取相同安曾著老黃龍

次韻李方叔水宿

高視世波增眼寒公如砥柱捍驚湍市中一虎成三
口醉裏扁舟過百灘佳處每煩詩句寫勝游宜作畫
圖看遙知二老相逢處拾得風前一笑懽

次韻曹彥清教授見寄

泮宮授道最馳名，想見經筵玉麈橫。
學問有源堪景仰，行藏無地受譏評。
門前江浪銀山擲，醉裏詩篇錦段明。
遠宦不須嗟白眼，只今臺閣半書生。

胥啓道次韻見寄復和之

少年翰墨擅時名，老愛江鄉翠巘橫。
聞道異書常自校，近來佳句與誰評。
幽尋湘水映衣碧，小寢晴窓潑眼明。
寄我三詩爭妙麗，疑公會夢筆花生。

寄黃龍來道者

問訊黃龍來道者，住山況味定何如。
齒牢未怯和沙

飯眼倦應嫌夾注書，但見衣勝寒薜荔。
不妨心賽白芙蓉，都疑生近楂田市。
時覺淮南語未除。

禪首座自海公化去，見故舊未嘗忘。
追想悼嘆之情，季真游北游大梁。
聞其病憂得書輒喜，爲人重鄉義久要。
不忘湘西時訪史，資深亦或見尋。
此外閉門高臥耳，宣和二年三月日。
風雨有懷其人戲書寄之。

前時無際曾入夢，近日真游又得書。
一味歲寒甘淡薄，十分懽喜說鄉閭。
閑尋老儼臺南寺，更過史髯湖上居。
想見朝來閉深閣，臥聽簷雨滴堦除。

次韻閻資欽提舉東安道中

父老扶攜看使華那知勲業在咨嗟人生安得顏長
少歲暮今驚日欲斜謾有清詩敏風雨空餘醉墨走
龍蛇應憐妙語如芝菌不吐青林吐臥槎

次韻遊福嚴寺

下臨煙雨凭危欄游客新辭禁從班露濕衣巾近雲
漢風吹笑語落人間曾聞詩律如彭澤想見風神似
魯山何日三人成 品坐夜窓參論到更闌

次韻寧鄉道中

夾道傳呼部曲犇遙知秋色動吟竟黃柑綠橘平蕪
路剩水殘山夕照村似鏡此心清自迥如雲往事去
無痕鐘聲有寺藏煙翠忽見林間窈窕門

次韻題雲峯齊雲閣

綠玉霜筇喜自提芒屨初試得攀躋欲窮深谷一區
勝更上齊雲百級梯物外名山長好在人間樂事自
難齊遙知太息出山去一笑無人悟過谿

次韻題必照軒

曛曩曉日出蒼涼草木欣欣露葉光千里穠纖上眉
睫一區形勝發天藏有詩摹寫江山美無計遮欄歲
月忙韻險暗驚才力短坐令毛穎秃鋒芒

宿資欽楚山堂

故人持節在三湘白首相逢話更長
挂錫曾憐道林寺
攜衾來宿楚山堂
意消忽覺風敲竹
夢斷空驚月轉廊
常恨出門無所詣
敢辭時此夜連牀

次韻資欽元府判見寄

茗盃閑窓不厭過
暮年歸計定如何
我思杖履游嵩少
公輩家山近洛河
具茨功名關意少
穎臯丘壑賦情多
二詩俱可鐫崖石
乞與雲煙相蕩摩

次韻王覺之裕之承務二首

問法能來渾聖凡
毗耶丈室未曾關
解分鉢飯如摩

詰欲散天花
欠阿蠻屬粘新詩
追鮑謝抗行
醉墨似楊顏
遙知穿市聽歸馭
及我昏鷄落照間

兄弟令人眼倍明
六經心醉幾時醒
韻高山嶽橫南極
機妙鯤鵬化北溟
麗句重逢天下白
俊才今見海東青
數篇秀色凌千嶂
來尉摧頽病掩扃

宣和五年四月十二日
余館湘陰之興化徐質

夫自土山來一昔夜語甚傾倒
且日前嘗夢見東坡今復見子何清事
相聯耶吾所居有亭名閑美嘗有白燕巢梁間
屢見鶴翔舞於層霄囑予爲詩紀其事
質夫大梁人賢而有

文佳公子也

徐侯官舍土山邊頗爲看書廢晝眠偶見畫梁巢雪
乙更驚雲漢舞胎僊致坡入夢殊堪紀與儼忘形亦
自賢聞道小亭時縱目江山信美似斜川日南嘗夢

送丕上人歸黃檗

萬身馬鬣轉龍腰十里風聲捲海潮翠靄晴時飛畫
棟蒼崖斷處見朱橋老驚鄉井心空在說著巖叢意
已消慚愧東風知此恨夜來吹夢到山椒

同希先遊石鞏

良辰美景古難并且趁身閒稻雨晴鳥語猿歌留我

在水聲山色益人清得幽詩句聊題壁遇好峯巒卽
住程回首十年塵事裏與君今日夢覓驚

題胥大夫欣欣堂

議郎粹和色無求繞屋江山秀氣浮弱柳嬌眠禽喚
起異花含笑草忘憂閉門不放青春去解榻長令佳
客留摹寫高情無好句謾橫詩眼付冥搜

次韻嘉言機宜

幽尋野外興何如蠶市村囂憶故墟煮繭生涯春老
大餉田時節意蘇舒吹開麥浪南風至落盡花房小
雨餘暫借僧窓聊假寐夢驚身世兩蘧蘧

玉池禪師以紙衾見遺作此謝之

紙衾來自玉峯前
旋圻封題一粲然
便覺室廬增道氣
不憂風雨攪閑眠
就牀堆疊明如雪
引手模蘇軟似綿
擁被並鑪和夢暖
全勝白氎紫茸氊

立秋日偶書

秋入紗廚夏簟空
頽然瘦坐一衰翁
聲涼亂葉紅蕉雨
香暗分叢紫菊風
清境淨緣慚獨享
幽懷佳句與誰同
平生垢習消磨盡
只有文章氣吐虹

游太平古寺讀舊題用惠上人韻

步盡長廊覺倦遊
叢蕉出屋小軒幽
壁間詩在紅埃

滿窓下香殘碧縷浮
喜有繩牀容我借
更因茗盃爲君留
忽驚林杪湘山露
誰作江天數筆秋

歲窮僧衆米竭自往湘陰乞之舟載夜歸宿橋
口寒甚未寢時侍者智觀坐而假寐作此詩
有懷資欽提舉

老去生涯無窖子
隔城荒寺到人稀
歲窮百里扣門乞
夜棹孤舟載米歸
隅坐小僧寒附火
聯拳羸僕睡和衣
故人醉裏聞薌澤
應背銀缸照翠幃

正月一日送璿維那之新昌乞

春水初生湘岸邊
陰晴城郭上元前
暖消積雪成簷

撰述
石門文三卷十三
九
滴火烈殘香發篆煙念舊十年鄉井夢試新一首送
行篇翛然路入江南去想見歸時及杜鵑

二月二十一日奉陪季長遊嶽麓飯罷登法華
臺賦此

法華臺上凭欄久吹鬢東風晚雨晴斷岸平橫千雉
堞道林遠在一牛鳴喜飡水餅清明近開徧山茶杜
宇聲想見京塵遮便面應思攜手比中行

送興上人之歸宗

紫霄峯下鸞谿上幻出寶坊金碧開沃野不辭常自
獻暮雲無事解歸來永懷香火三生舊想見松風萬

壑哀阿上笑中如問我爲言詩膽尚崔嵬

贈道禪者

大河卷浪雪翻風橋壓千艘臥彩虹岱嶽煙雲連絕
域北門樓閣礙層空浪游荆楚重湖外更在瀉源疊
嶂中水餅槐芽動鄉思近來歸夢與誰同

周庭秀愛湘中山水之勝定居十餘年宣和五
年夏五月忽思吳中別余於湘上作此送之
詞刃平生工斫伐探懷每欲取公侯竭來世事懶經
意醉看湘山不轉頭忽憶歸吳泛千里偶然盡室載
孤舟却將揮翰風雷手且釣華亭萬頃秋

題悟宗壁

到寺回身望衆峯一堂踈快萬緣空
榭林曲折通幽徑蓮蕩凋零退晚紅
師已灰心增夏臘我今霜鬢撒秋風
亦知匆舍多佳士香火他年願此同

過陵水縣補東坡遺二首

白沙翠竹並江流小縣炊煙晚雨收
蒼蘚色侵盤馬地稻花香入放衙樓
過廳客聚觀燈網趁市人歸旋喚舟
意適忽忘身是客語音無伴始生愁

夜歸示卓道人

心知家本住仇池傲倪人間老變衰
兩鬢京塵初邂逅一尊川語問歸期
勸沽何處禽知我含笑誰家花隔籬
天水摹胡颶風作夜歸江路月相隨

雪詩

千巖雨雪黃昏後一室香燈一寢餘
此夕鄉關入歸夢明朝雲物記曾書
地鑪不獨聞瓶泣山果時驚落屋除
清境鼎來勞應接暮年生計未全踈

題王教授艇齋

宴居端若寄虛舟三峽詞源日倒流
慣與衣冠游泮水坐看圖史認瀛洲
胷中耿耿觀瀾術物外悠悠涉世謀
莫謂縱橫止容膝濟川林葉此中求

吾山風物如故園而甚僻余居月餘愛之將此
卜居二首

此生於世已無求況有村原事事幽乞谷住山真素
志栽田博飯是良謀別坡筍蕨春兼採遶舍桑麻歲
倍收強健自能營飽暖塵埃回首謾悠悠

風物淳真似故丘茅茨結處自深幽竹西隣舍頗相
近客至須供良甚謀燈火夜窓衣自補豐登秋畝稻
重收安閒有此支餘歲更欲驅馳亦謬悠

送楞嚴經珣維那

尸羅清淨心清淨寄迹南臺亦偶然室掩香燈見行

道壁懸巾屨伴孤禪寶書獨欲煩君誦法力真期迨

我先細味此詩如實錄他年僧史定須編

謝嶽麓光老惠臨濟頂相

瘦骨孤標韻絕倫傳聞宗派出雲門收藏盡裏三玄
老分付湘中十世孫罵佛風神疑正怒打僧氣宇尚
驚羣能言滅却正法眼不負灘頭毒手恩

送珠上人泐潭拜塔

泐潭臥龍今不見空有遺珠留世間圓轉自然離鑛
穢光明聊復祕形山隨師受覲前身事披掌猶存此
日還言不走盤無影迹方知生死不相關

題龍王枯木堂

異種靈苗著四方謾將名字挂虛堂道林可惜昏嵐
掩枯木那知在處芳韶石曾聞傲煙瘴焦山今已飽
風霜陽陂且喜根株茂雪裏花開爛熳香

送海印奩老住東林

湘容嶽色中秋後古寺閑房小寢餘掃徑箒粘新落
葉開窓風掩讀殘書吹雲又作他山去種漆何時伴
我居洞上閑名猶在世未應容易與人除

余至清修別希一禪師津發如老媪扶女外車
其義風可以起頽俗將發作此

驚風急雨中秋後回首長沙杳靄間迎送初辭大藩
府逍遙來看小廬山故人情義千鈞重行客生涯一
葉閑明日旅亭勞晝夢孤峯標格不容攀

題壓波閣

雪玉在躬賢令尹江山約束入宏規驚波濺岸憑凌
傑閣控雲彈壓之霧斂塵清閑縱目蜂爭螳分想
當時邦人準擬朱欄外安著他年惠愛碑

次韻賈令尹題裴公亭

獨凭危欄眼力窮當年勝踐想遺風歌喉雲杪殷餘
韻笑靨尊前發醉紅世相難逃朝夕改山容不老古

今同議郎筆力回春色摹寫都藏畫牒中
余往漢上清修白鹿二老送至龍牙作此別之
因法相逢亦一時雲泉所至共娛嬉怪君追送不辭
遠知我從來未有期醞造離愁成獨笑欺凌秋色有
新詩閣浮掌上訶梨勒去住休纏愛見悲

雪夜至明教寄王路分舍人

雪夜山中還獨宿地鑪深煖紙窓明百年有限身今
老一枕無求夢自清弟子分燈成保社故人持節頓
江城瘴痾踈快諸緣淨臥聽摧簷瀉竹聲
訪雙池老不遇其子覺先求詩爲作此

芒屨竹杖快新晴天迴游絲百尺輕沃若柔桑連野
綠烟如白鳥照溪明逢山有寺幽欣集對客開軒午
夢清曦竟未回凭閣久忽聞高柳子規聲

寂音泉

水靈有源不知處但見方沼供無窮俯波下看遠山
色卷霧忽驚清鏡空危亭快若望霜曉江岸
陰風宜呼此泉作檀越歲致萬斛無凶豐

燈禪師出蜀住此山十年爲作南食且約同住

作此以贈

少年出蜀今耆艾十見襄陽浩蕩春山近京畿看愈

撰述
好食兼虜饌味尤真君今避世成深隱我欲移庵結
近隣相對無嫌太岑寂待添明月作三人

襄州亂後逢端州依上人

漢上相逢兵火後蒼顏華髮兩摧頽塵清霧歛閒身
在螳分蜂爭一笑開志捍叢林山剔卓義規朋友玉
崔嵬瓦精決舌休皮相曾見淄州古佛來

和濟之通判日夜懷祖穎諸公

才高自是萬夫望語妙人疑錦繡腸新事驚嗟入詩
律故交契闊付淒傷開書想見湖山好他日懸知夜
語長嶽屋豈能埋寶劍斗牛長覺射龍光

送勺上人謁蔡州使君

淮西氣宇蓋三軍絕似平原舊使君今日孤城獨堅
守疾風勁草昔傳聞龍蛇戲下唯呼姓翰墨場中亦
策勲想見棠陰談我處笑持茗盃辯如雲

寄盛羣玉

平生翰墨到精微盛氏諸郎最白眉氣訐曾窺豪士
賦初交先和野僧詩謾勞清夢思相識那料孤蹤晚
見知君看臨危用心處何殊晏子解驂時

十二月十八夜大雪注蓮經罷有僧來勸歸廬

山僧去作此

撰述
石門文序補卷十三
煙凝生怕席簾開快煖偏宜楫棹柴夜久飢鼯嗅空
案夢驚鬪虎墮層崖優曇花偈餘殘紙蒼荀杯香自
滿齋折脚鐺安莫嫌穩地偏人懶遂幽懷

雪中

勢密連空若推下隨風起舞不容追門閑走犬無深
巷樹暗棲鴉有剩枝旋撥地鑪通宿火却呵凍手寫
新詩軒窓秀發驚清晝萬壑春歸說向誰

再會莊德祖大夫

平昔才名似孟宗暮年一鉢並巖叢交朋半在青雲
上意氣都消白眼中龐老尚餘靈照在伯鸞應許孟

光同君看張柬之爲相不害荊州禿鬢翁

與蔡楊州

五馬東來數月間十州人物帖然安池邊芳草新吟
罷樓外遙山晝臥看鈴閣蠟煙秋色晚譙門銅漏夜
聲寒雖然自是雲林客猶把風流作話端

唐生能視手文乞詩戲贈之

草蕪門徑過從少那料秋來夜話同屋漏移牀時發
笑粥稠當飯巧於窮我留癡絕傳身後君見平生似
掌中明日渡江應轉首數峯無語晚連空
贈麻城接待僧勝上人

撰述
石門文字禪卷十三
十六
綠髮凋零白業增住庵隨分有規繩爲分一邑人家
飯普供十方雲水僧掃徑客來圓笑靨開軒雲破露
寒層君看擊桶金牛手坐續山頭柏子燈

夏日同安示阿崇諸衲子

老眼竭來驚節物閑同諸子話江鄉試茶正要旋烘
盞煮餅且令深注湯忽憶海山殮荔子更思湘水劈
蓮房夏休便可車輪去菌簞秋肥趁及嘗

三月二十八日棗柏大士生辰六首

深觀諸佛刹那際三世十方無遁形已盡凡情不顛
倒如除目翳自光明意俱大地山河喪心與空花夢

幻生垂手遇緣攜法界美髯跣足散衣行

二天給侍慈忍象一虎橐經常寂光意處世間離生
滅夢中塵劫浪遮藏卽真不必冠巾毀絕染何妨棗

柏嘗提起超情無比句夜來山雨落花香

青春徑去不小住天迥游絲增眼寒想見手提大千
界脩然身現一毛端若存情見智山隔但斷攀緣業

海乾面目分明今日是敢將棗柏薦盤殮

生死鶻崙無背面摩挲把玩久嗟咨悟明必藉戒定
慧隨順差成老病衰淨意卽空良顯決色身對現出
思惟千烹萬鍛知恩德敢忘摩尼在鑛時

眼蓋人寰燃美髯年年相見晚春前摸蘇綠妄心俱
盡揩拭鮮陳念已園指下琴方纔發越眉間毫相見
無邊微塵劫海依今住生死何勞較後先
一刹那際入正受互參三世妙難思有情夢境依此
住無量劫海不移時任運行藏難掩覆隨疑語默出
思惟大哉無比金剛句世罕知之我獨知

十世觀音生辰六月二十六日二首

十世爲僧皆姓楊死生遊戲自隋唐鐵身自倒汝邪
寫字無爲我道場異迹著於無量壽慈風不滅普
昭王兩川顯化人皆識今日全身不捨藏

曇相禪師第二身蟬聯十世姓楊人女兄慧辯成勅
弟子悲欣記夙因解使邪迷知有佛自呼名字凜
如神平生接物多方便何似今朝一句親

蔡藏用生辰

非煙雲子釀新晴爭看麒麟墮地行悉達已聞今日
誕優曇知復爲誰榮已驚久視方瞳碧更覺藏年玉
骨清曾伴麻姑家法在願隨風馭到蓬瀛

八月二十三日蔡元中生辰

纔過中秋今幾日夜來海月上三更夢竟傳得入書
至窓戶俱明廐馬驚骨相終當爲國器兒聲初已識

人英明年慶節山中友金屋憐君夜直清

劉彭年知縣生辰

清規懿德古難陪秋盡民歌慶節來瑞應草餘雙葉
在優曇花適一枝開鶯嬌妙管傳佳句玉膩新粧獻
壽盃慈母千齡何所願早看賢子踐三台

中廬趙令生辰

孟夏南風草木薰民歌慶節喜傳聞今朝雪乙呈雙
瑞後夜冰輪滿九分材業牛刀試小邑家聲天派落
層雲吞舟豈久容涖足禁殿論思政要君

寄黃嗣深使君二首

江夏家聲世所聞無雙千頃典刑存肅嚴郡邑霜分
曉照映簪纓玉粹溫樓迥峴雲供醉望夜晴漢月洗
吟魂行將補袞調羹手却執元圭侍至尊
身世浮雲偶尚存白衣蒼狗與誰論夢中不記金門
宿醉裏曾看玉海翻尚有驚魂纏瘴霧已甘華髮老
江賓枯芰欲藉陽和暖催發新來雨露恩

李道夫母挽辭

縉紳家法想清規平昔高風此一時居約雲山夫有
道客陪房杜子無疑九原淚濕老萊袂千字碑傳幼
婦詞他日欲尋賢母墓北山松雨路人悲

鄧循道父挽辭二首

苦冰潔槩是行藏一節無求老更剛好在縉紳師儉
德尚餘閭里說謙光陰功隱秘天應錄遺訓丁寧世
共傷勿謂不身嘗報施故應遺澤在諸郎

一生純德無遺恨千字埋名有逸辭墓隧嫩泉誰種
玉書齋子硯自生芝音容已作終天痛歲月真成罔
極悲擁鼻功名知不免空將淚眼看風枝

代人上李龍圖并廉使致語十首

後三首慈及二子附

竊以引而不發射失中則反諸身安則慮危國雖
治而不忘武顧將揖讓而就列當踏規矩而效能

凜乎有纓鞬之儀形望之入麒麟之圖畫白衣自

表定三矢於天山錦帽突前靡萬人於沙漠自昔

聞無雙之伎迄今見逸羣之材恭惟判府安撫龍

圖忠孝傳家文章命世開畫戟之幕府集珠履之

鵷鴻英聲震於九垓和氣浹於千里奉御廉使大

夫忠誠許國文武兼資冠縉紳之才能受廟堂之

眷倚偃戈臥鼓屬疆場之久空講武開尊適郡庭

之無事其等當結髮而工騎射要唾手而取功名

幸對華筵敢呈口號

射圃閑亭酒半醺手柔弓燥氣超羣已驚百步穿楊

撰述
石門文序卷十三
二十
綵會看雙鷗落塞雲且集旌旗森畫戟未輸文字飲
金樽治朝文武須兼用萬壽稱觴祝至尊

太平無象樂年豐况值疆場久已空賓主獻酬成雅
集江山談笑助清風良辰美景開金罍緩帶輕裘控
角弓鞞鼓急摧齊指目大侯的處中飛鴻

雨後園林花木新傳聞千騎出城闈異能未中侯中
鵠佳氣先浮盞面春畫鼓繡鞞筵奏曲紅粧細馬地
無塵長沙萬古民爭說賓主人英伎絕倫

聞道長沙賢太守漆瞳玉頰照衡湘訟庭散後賓朋
集民瘼蘇來禮樂昌且展綺筵陪勝餞何須檀板鬧
紅妝曉無探騎
邊檄願獻君王萬壽觴

細柳成陰花滿徑晚來鈺鼓導朱輪河東鸞鷲三英
傑天上麒麟兩俊人閑裏笑談清似玉盃中賢聖韻
如春引弓一箭驚穿札堵立權聲快吏民

繡衣天使志澄清五馬賢侯見典刑公退鈺聲聞射
圃日高槐影覆閑庭共看酒螿浮瓊斝不廢花輪遶
畫屏銀燭紅紗侵夜色醉歸明月淡疎星

隴西家世到仍雲許國清忠蓋代聞有道風流賢太
守無雙才氣舊將軍整弦使者情和易承附諸郎藝
逸羣便好畫圖收拾取要傳盛事滿湘濱

如雲旌騎照湘江千里農桑楚大邦中鵠才高今有
武射鷗伎巧古無雙錦袍雅稱黃金帶瓊液尤宜白
玉霜笑挽雕弓如滿月萬人驚懾已心降
無雙自昔擅家聲春色都還細柳營中的聊爲萬人
傑飛觥要使百壺傾三湘父老傳風化十郡兒童識
姓名武緯文經俱不乏桑弧蓬矢見平生
畫鼓曉晴三擊罷如雲兵騎整全威俄聞畫角胡笳
斷忽覺華堂羽箭飛一百步中精力巧數重圍內見
心機風流太守兼文武扶路爭看踏月歸

代夏均甫宴人致語一首

并序

竊以帶分楚水流萬古之雲濤壁立崑臺上千尋
之煙雨號稱雄文妙墨棲宿之地是亦詞人遷居
感嘆之墟野迥天多塵清霧歛方羣木落盡之景
望四山之蒼然送萬里獨歸之鞍慶一尊之偶爾
恭惟其人碩大而德貴魁礪而材高以忠義自結
主知故姓名長簡睿想立於縉紳之上可謂萬人
之英論於君臣之間亦曰千載之遇念故都之下
吏寔恩館之陳人有一掬之歸心餘滿簪之華髮
嗟孫寶曾爲主簿容朋宣獨至後堂受知不減古
人報德尚慚今士敢陳末札少駐行旌玉人成市

座之花輪瓊液薦滿湘之春色相逢一笑不醉何歸

九齡風度照崑臺寔寢香凝畫戟開歸國已傾天下耳駐軒宜舉故人盃青天白日心常在附驥攀鱗志未摧累足待公成相業更隨風馭看蓬萊

石門文字禪卷第十三

丹陽居士賀學禮施刻此卷了緣居士對長洲徐普書江寧魏繼澄刻萬曆丁酉仲秋徑山興聖萬壽禪寺識

石門文字禪卷第十四

宋江西筠溪石門寺沙門釋德洪覺範著

門人覺慈編錄西眉東巖旌善堂校

五言絕句

余在制勘院晝臥念故山經行處用空山無人

水流花開為韻寄山中道友八首

山帔蒙霜頂跏趺巖石中夜寒虎痾痒林靜月升空掃徑偶停箒幽懷疑佇間暮樵迷向背餘響答空山數峯橫杳靄空翠疑有無落日誰同看啼猿我欲呼新晴收雨脚宿霧隔花身睡美不知曉啼禽解喚人

舍南一曲溪春漲半篙水去作落崖聲雪花濺山翠
墮薪行且拾愛此林徑幽偶坐欹斜石忽逢清淺流
明白庵前路辛夷樹已花竊香知犯律匹練墨翻鷓
鴒几自香滑寶書時一開道根九連絡清境更壅培
病中寄山中故舊八首

室空無侍者唯置一匡牀萬事俱衰落但餘常寂光
身心俱寂滅想念亦紛紜此是維摩老無生不二門
我心若有生夢境堪把玩目前今洞然底處藏憂患
雲門達法空玄沙見根蒂兩翁脫生死一味多爽氣
心光本無礙慳貪空蓋纏一切但仍舊自然常現前

靈源坐癡兀萬事付天真何事禪和子相逢礙塞人
臨濟十世孫泐潭克家嗣一唱主中賓不容留意地
本色出家兒機輪盤珠走須學老華亭用處無滲漏
明白庵六首

如來功德力內外悉清淨念起勿隨之自然心無病
形與佛祖等道致人天護戒淨福人天心空同佛祖
石火機鋒上那容著意根透情名出世離念是知恩
瑞鹿吾所慕勇決敢不勉夜來歸夢清疑在啼猿巘
老去一庵深聊將自淨心要當酬佛祖終不負叢林
歸路山花發欣然折一枝動容揚古路不墮悄然機

樾中自郴江瑩中與南歸時余在龍山容泯齋
爲誦唐詩入郭隨緣住思山破夏歸之句爲

韻十首

哀蟬滿風聽草樹初茂密空齋有竒事屋角寒藤入
客來理清言客去依蒲褐道鄉知不遙髣髴見城郭
希夷登嶽頂典子相追隨天風落笑語想見對談時
子從兩人傑此遊真勝緣他年傳故事一葉共湘川
遙知歌座中隨意吐十住海門妙蓮華應逐談詞吐
我庵無量相泯迹變清思覺範如新故空華今盛衰
松下竭來見依然冰雪顏未須驚世故且復臥看山

高誼今照人劇談舊驚座別來如許久一見千愁破
無生師子窟僧寶光照夜我如龜六藏一庵聊作夏
千峯夕陽外空翠搖煙霏終古無求處相看一笑歸

和昭默堂五首

相見自完全分明透語言衲僧猶聽瑩入戶不知門
道骨清如玉閑拳瘦策時鈍根并鶻眼到此自分歧
此堂常說法亦是主中賓無地容啗啄緣渠徹骨貧
睡餘供漱盥齒頰帶茶甘兄弟知家法從教鶩子慚
倦依蒲褐坐脫體露全機曲篆風窓細煙橫一縷微
又次韻五首

擬心成剩法況復更隨言試凭堂中几閑看窈窕門
智識不到處言詮路絕時欲藏還露骨叶帶更多歧
瘦容無住著舉手評來賓不是無言說雖窮不諱貧
夢裏尋音響教休定不甘忽知眉蓋眼開著替人慚
言語皆爲病全提却物機更無遮掩處兀坐笑微微
李成德盡理髮搔背刺噴明耳爲四暢圖乞詩

作此四首

經月得樓颼頭懶垢不醜樹間一梳理道與精神會
痒處搔不及賴有童子手精微不可傳齧齒一轉首
呿口眼尾垂欲噴將未發竟以紙用事快等船出閘

耳痒欲拈去猛省須用明注目深探之踈快滿鬚髮
余所居竹寺門外有谿流石橋汪履道過余必
終日旣去送至橋西履道誦笑別廬山遠何
煩過虎谿之句作十詩以見寄因和之

披雲斲竒峯稍稍墮危峭百年能幾何萬事付一笑
方經脫手春又復送餘熱懸知到故山定與秋風別
故山久不歸田園廢耕鋤但餘玉澗碧依舊繞吾廬
吾廬亦何有草屋八九間牀頭挂濕水枕上見他山
夫子固真亮剛勁如何遠玉骨定含秋出語便清婉
西齋君去後別緒亂於莎乃知長笑語始奈客愁何

我詩水清淺隻鵠浴不煩君才正豪邁霜足擁華軒
門前短石橋日日送君過歸來院落間還作北窓臥
一從禿毛髮萬事成乖阻貪食等飢鷹酣眠如飽虎
與君遊戲處箇中無悟迷冰華來脉正不獨是曹谿
履道書齋植竹甚茂用韻寄之十首

君家清癯生風姿極孤峭我欲爲傳真世豈無笑笑
笑笑解衣處酒後耳先熱筆端走精神葉葉無差別
汪郎工筆耕萬卷供犁鉏我方買牛具賃屋隣子廬
胷中有竒趣詩成談笑間往來無一事城郭似居山
曉庭蒲葉翻天涯歸夢遠尚記泊舟時隔水柔婉婉

月華潑空壁露顆壓庭莎哦詩欲仙去無計奈君何
雖住城隍寺而無迎送煩清風如有素時復到南軒
南軒絕低小亦無佳客過相看兩無言徑作對牀臥
詩狂欲發言因此難韻阻君看短後兒掉臂搏怒虎
暫借人間路未達忽如迷石門端不遠歸思亂筠谿
履道見和復答之十首

怪君歸如山詩句最竒峭此篇如縛須爲作陸雲笑
君馭秋風來破我殘夏熱方欣對榻眠遽作虎谿別
曾約還康山披蓑共春鉏東林縛我屋西崦置子廬
百年駒過隙世事撚指間誰能脫禿帽從我歸故山

公詩如淵明語直氣益遠此篇猶可人幽趣更清婉
佳人如美玉華裾似春莎百年被束縛奈此青山何
所居遠城市已絕送迎煩賴有隔橋子時來過小軒
靜聞鬪牛犇閑數羣螿過秋風拂庭槐枕書欲酣臥
與君居相連長恨笑談阻作詩歌追蹤人笑學畫虎
思澀不自勝援筆真欲迷那堪屋漏雨供此不盡谿

登控鯉亭望孤山

大江自吞空中流湧孤山欲取藏袖中歸置几案間
因事

太平無事僧死時是今日逢緣不借中無間功不立

叢秀軒

幽軒如鏡淨峯好羶雲鬟不用稱叢秀爲君名照山

次韻曾侯贈庵僧

野僧自是閑不復知閑味譬如庵中人不見庵外事

次韻履道雨霽見月二首

昨夜中庭樹陰寒葉上稠今宵掃踈影寫出十分秋
雨洗詩蒐健梅梢月色新遙知愁絕處對影只三人

次韻資欽提舉二首

雅志在丘壑不甘絲竹圍摩挲林下石忽憶釣魚磯
爽氣諸峯曉閑心古井波小樓新得句清絕似陰何

和珣上人八首

生死鏡中像非面亦非鏡像既無起滅心豈纏垢淨
不了號無明了知名真智如人因地倒而起亦因地
木頭與碌磚拋出無巧妙無寔法於人卽是我綱要
句下無活路知渠見處偏君看珠走地不定始知圓
萬法如有功夢事應存體但知一月真寧許墮非是
既了超四句自然絕百非電光石火上不許更追惟
毀譽不入念方知心已空魔宮并虎穴還與道場同
問訊跛挈師汝今亦知有棒打不回頭乃爾能掣肘
六言絕句

夏日睡起步至新豐亭觀雲庵墨妙與僧坐松
下作五詩明日阿振試沐華矮牋請錄之因
序焉五月十六日大熱亭上忽雨如翻盆枕
書而寢乃覺日向夕隔墻荷氣俱風而至臥
見窓間遠峯點點可數爲之詩曰

踈牖自分山翠矮墻不隔荷香睡美不知雨過覺來
一有微涼

要阿振出門山已暝而煙翠重重一抹萬疊秀
峯缺處日脚橫度紅碧相通餘暉光芒倒射
作虹霓色微風忽興新秧翻浪如卷輕羅坐

新豐亭流目而長吟讀雲庵老人戲墨爲詩
壁上龍蛇飛動坐中金玉鎗然起望微雲生處一聲
相應殘蟬

扶杖而東渡五位橋曲折而北松下逢道人賢
公喜爲之詩曰

賢也嶽嶽歷落軒然頤頰開張松下偶然相值立談
愛子清狂

乃相與濯足于落澗泉語笑不相聞於是聽其
聲于習觀亭爲之詩曰

臥聽石間流水起尋洞口歸雲但願一生如此閑游
更復同君

須臾月出疊石峯側散坐於知隱橋以遲之余
謂二子曰茲遊也與存豁輩何遠所恨倔強
嗟不及耳乃詠而歸鐘已絕而廊廡寂無聲
爲之詩曰

月在留雲峯上人行落澗聲中歸去殷牀鐘歇滿庭
風露濛濛
登控鯉亭望孤山

水面微開笑靨山形故作橫陳彭澤詩中圖畫爲君
點出精神

悼山谷五首

蘇黃一時頓有風流千載追還竟作聯翩仙去要將
休歇人間
人間識與不識爲君折意消魂獨入無聲三昧同聞
阿字法門
自顧面無四目何止心雄萬夫和得靈源雅曲繡繡
更綰流蘇
鬚鬢滄浪夢幻江湖厭飫平生一旦便成千古壞桐
絃索縱橫
平昔馭風騎氣如今夜雨荒丘欲動西州華屋空餘

南浦漁舟

李端叔自金陵如姑谿寄之五首

東坡坐中醉客讓君翰墨風流爲作羊曇折意莫年
淚眼山丘

老去田園可樂秋來禾黍登場相見雞豚社飲誼譁
暖熱谿堂

數疊夕陽秋巘雨餘眼力衰時可是招要歸思故應
醞造新詩

月下一聲風笛尊前萬頃雲濤玉堂他年圖畫臥看
今日漁舸

舉世誇君筆語霧豹渠知一斑莫問人間非是且看
醉裏江山

戲呈師川駒父之阿牛三首

今代南州孺子要是萬人之英安得際天汗漫著此
海上長鯨

風鑿晴雲霽月衣冠紫陌黃塵勿笑鐸馳長臥起來
便自過人

阿牛骨相似舅文章定能世家差勝宗武不韞猶作
添丁畫鷁

陳瑩中居合浦余在湘山三首寄之

心在青牛城下身行白鶴泉西何日相逢一笑看君
飽食蛤蜊

海門何啻千里行人替我生愁遠爾妄生分別閭浮
等是一漚

聞道希夷處士今居訶梨仙村要看筆端三昧重談
醫國法門

寄巽中三首

屋角早梅開徧墻陰殘雪消遲簾卷一場春夢窻含
滿眼新詩

文章風行水上歲月舟藏壑中自怪頂明玉鉢人疑

筆夢春紅

舅相決予十
塵埃羨子清閑孤坐定非禪病剃頭
猶有詩斑

送實上人還東林時余亦買舟東下四首

世事但堪眼見此生何殊夢游未倩青山掩骨且牽黃衲蒙頭

有客惠然過我踈眉秀骨巖巖且復柔槎凍耳聽君
放意高談

說盡廬山勝處寂然相對無言東崦峯頭月出依約
如聞白猿

我已作成行計喜君亦有歸期何日虎谿松下却說
江海別時

余游鍾山宿石佛峯下因上人自歸宗來贈之

六首

曾共故山寒食忽驚廬嶽重陽想見洞庭橘柚纍垂
又出青黃

世議嗟嗟迫隘白頭相視如新只有淵明似我逢人
故面成親

君住青鸞谿上我留石佛峯前捉手粲然一笑秋容
更撐天

却度來時危徑斷崖落照孤烟分手更無可奈相看
只有淒然

已是浮雲身世更餘一鉢生涯是處青山可老何妨
乘興爲家

西風夜吹客夢霜清更入鍾山且作跳魚縱壑會看
倦鳥知還

和人春日三首

冰缺涓涓嫩水柳渦剪剪柔風萍色盡情澄曉游絲
故意垂空

暖壓催花小雨晴宜到面和風鶯舌管絃合調蘭芽

雪玉分叢

攬衣欲起還眠杜宇一聲春曉家童走報新事山茶
昨夜開了

山居四首

深谷清泉白石空齋斐几明窓飯罷一甌春露夢成
風雨翻江

鍊盡人間機巧却能隨處安閑雲深舊迷歸路木落
今見他山

讀書不求甚解偶爾會意欣然點筆疾書窓紙倚蒲
却看鑪煙

撰述
石門文字雜卷十四
負日自然捫蝨看山不覺成詩快暖啼禽歸去受風
林影參差

夏日三首

鳥啼不妨意寂日長但覺身閒掃地要延遺照掩扉
推出青山

軒借誰家脩竹簟留滿眼清秋手倦拋書枕臥一聲
殿角風颭

掩卷高眠客去望雲乞食僧歸秋近柳陰低瘦年高
瘴髮能稀

和人夜坐三首

句好真堪供佛泉幽欣更同僧閑塵自橫涼簟飛蚊
故遶篝燈

行道疾於轉馬坐禪危若蹲鴟瓜皮能作地獄荷香
解破毗尼

忠子定應詩瘦隆禪甘作書癡兩客絕無消息千峯
見我棲遲

卽事三首

目誦自應引睡手談聊復忘紛一曲青林門巷數聲
白鳥江村

茶味尚含春意鳩鳴忽覺村深掃地風能施手過門

月解論心

妙語欲澆舌本故人忽到眉尖雲薄茶煙索石浪寒
竹色侵簾

用高僧詩云沙泉帶草堂紙帳卷空牀靜是真
消息吟非浴肺腸園林坐清影梅杏嚼紅香
誰住原西寺鐘聲送夕陽作八首

江素塵泥踈遶泉清晝夜澄明氣入茅堂蕭爽潤滋
草木鮮榮

松榻獨安枕篔簹紙幃長隔埃塵輝映夜窓明月下藏
夢蝶幽人

煩擾自茲深隱寂寞相與沉冥淡泊旣諧真性恬願
復順生經

風月冥搜秀句詩家肺腑同期自古人間俗物此心
雖死奚知

舍後樹林深秀日中陰影繁濃宴坐時來有籟炎威
欲入無從

杏實殘籠金色楊梅爛染膜脂氣味新鮮可口清甘
喉舌多時

源塢似甘西畔精廬於此相隣迎接喜能忘我住山
知是何人

撰述
石門寺碑卷十四
林外鳴鴟零亂山頭落日微紅樓臺迥然暝色谷幽
已答踈鐘

臨清閣二首

泯泯下窺軟碧洄洄忽作驚湍時看稚子對浴少陵
詩眼長寒

邑勢自然藏勝江空表裏含秋夜棹近人明月襄陽
應在漁舟

贈珠侍者二首

我是布毛侍者解藏陷虎鋒機勘破諸方歸去一藤
深鎖煙霏

一等心華自照不煩春色須開安用翻瀾千偈却輸
枯木寒灰

誠上人試手游方二首

隨處千巖萬壑一鉢雲行鳥飛歲月却還驚浪蒙頭
破衲同歸

迹要風蟬蛻殼道愧泥龜六藏面上唾痕莫拭自然
知見含香

拄杖寄子因二首

百節紫藤風骨得自泐潭石門不受雲居勾絡定知
臨濟兒孫

作伴經游已徧住山尚存典刑寄與毗耶作戲當場
攬出驚人

分韻得風字二首

鷗寒爭浴暮雨舟閑放縱江風一幅花光平遠誰藏
覺範詩中

歸九峯道中

四五疊峯深處歸去開荒南畝是非不得扶犁春曉
一蓑煙雨

贈誠上人四首

燼火扶持清境篝燈點破黃昏凍耳欣聞軟語冷齋

忽變春溫

衝雪來尋覺範思時山說靈源此夕蔣陵二老畫出
韋郎五言

覓句初聞試手吐詞果復驚人夜覺千巖晝永曉看
萬瓦生春

對書只圖遮眼題詩何必須編且看無情說法羣山
雪盡蒼然

書阿慈意消室

風過淵明臥處林閒子厚來時睡起一杯春露壁間
數句坡詩

愿監寺自長沙遊清修依元禪師興發復入城
余口占四首贈之

過江問大瀉路失脚到小廬山慚愧沒箇虜子滿堂
都是鄉關

自笑乾陪奉漢人誇熱肺腸僧飯了脫剝打睡椎門
擊撼不應

秋來又入重城滿腹憨腮驚人只欠一箇布袋便是
彌勒化身

閑裏雖無白業笑中自有丹沙啜我同遊蓬島箇中
棗大如瓜

答慶上人三首

連日顛風斷渡一番花信催春殘夜華鯨吼粥夢回
窓月窺人

米嶺春吞西嶽筠谿尾插漳江興發扁舟尋子夜晴
風揭蓬窓

雨後哦君佳句華氣如川方增石出水生微渚雲閒
山露寒層

贈瀉山湘書記二首

山學春愁眉黛水如含笑花香睡起憑高凝睇淺紅
數筆殘陽

住山心已老大看雲情轉虛閑東華軟紅縱好無因
飛到窓間

偶書

屋破不至露寢食乏不至食糲此身投老未死萬事
一切隨緣

登洪崖橋與通端三首

行盡幾重添秀雷犇響落晴空散坐煮茶為別雲間
一徑微通

雞聲亂人語秀山色澹我衣裳洗盡人間熱惱還君
坐上清涼

同到洪崖橋土水光射著山寒為君更吐妙語乞與

西山老端江西筠溪石門寺沙門釋德洪覺範著

湘山偶書覺慈編錄 西眉東巖旌善堂校

暖壓催花小雨晴宜到面和風鶯舌管絃合調蘭芽

雪玉分叢

和人二首

玉骨解藏歲月飢膚不受塵埃落筆驚鴻掠紙延僧

春露浮杯

寂寥空山獨夜蕭條古木清秋風月誰家搗練江頭

何處釣舟

石門文字禪卷第十四

丹陽居士賀學禮室毛氏共施刻此卷
海鹽了緣居士對長洲徐普書進賢洪以仁刻
萬曆丁酉仲冬徑山興聖萬壽禪寺識

一徑賦山掛書

西山朱繼語秀山色洗我衣裳洗盡人間熱惱還君
圓匪崇臺巖土木火煨著山寒論香夏出妙語之與

石門文字禪卷第十五

宋江西筠溪石門寺沙門釋德洪覺範著

門人覺慈編錄 西眉東巖旌善堂校

七言絕句

讀古德傳八首

閑房古寺陳尊宿對石談經生法師萬壑松風一軒
月冷齋清夜想丰姿

石門塚木團雲雨偶愛車輪烟翠深火種刀耕期飽
暖問心求法謾追尋

夜塚鬪體元是水客杯弓影竟非蛇箇中無地容生

滅笑把遺編篆縷斜
糞火但知黃獨美銀鈎
那識紫泥新尚無心緒
收寒涕豈有工夫問俗人
瘦行清坐老垂垂栗色伽梨取
次披巖壑形骸雖可盡烟霞痼疾不須醫
閑中不省歲月改但見四山青又黃
指客却隨流水去笑渠世路未全忘
車輪峯作碧螺旋不用招邀自滿軒
等是世間無用物故宜相對兩忘言
絕知名蹟能妨道正恐師承亦累人
問法沙彌莫饒

舌百年逆旅要同塵

讀法華五首

在宅覓車猶是欲出門露坐始無依
載行一獸無名字但愛雪山香草肥
火宅縱橫皆暗弊化城觸處是光明
子爭狂走欲方熾寶所依然念不生
塔解聽經無兩耳佛稱全體有分身
寶書讀罷驚清晝葉葉花花總是春
慈和自是山林服知見長疑宴寢香
要與如來同止宿却須常佛法空林

撰述
石門文字雜卷十五
阿字義深當自讀般舟行苦與誰行人言成辨須三世我欲圓成在此生

贈誦法華僧

生存異夢傳書鎮骨冷青蓮出瓦棺試看法華精進力兩翁先已爲開端

合妙齋二首

雨過東南月清亮意行深入碧蘿層露眠不管牛羊踐我是鍾山無事僧

未饒拄杖挑山衲差勝袈裟裹草鞵吹面谷風衝虎過歸來松雨撼空齋

讀大智度論

眼不自見寧見物去來不見寧見今萬物只今全體露鏡裏有空無路尋

注十明論

了知無性滅無明空慧須從戒定生頻呼小玉元無意只要檀郎認得聲

汾陽十智同真二首

十智同真面目全於中一智是根源如今要見汾陽老劈破三玄作兩邊

十智同真選佛科汾陽佛法本無多愛心竭處尋真

智面目分明會也麼

袁州聞東坡歿於毗陵書精進寺壁三首

濁世肯留竟何意玉芙蓉出淤泥中誰謂秋來亦零
落病收衰淚泣西風

姓名自可磨千古文字收藏付六丁唾霧珠消君勿
笑夢回比物鎮長靈

才踈意廣孔文舉身健長貧白樂天一代風流今已
矣三吳雲水固悠然

無盡居士以峽州天寧見邀作此辭免六首

吹毛用了急須磨鐵脊師兄舌太多祖佛命根俱截

斷笑中驚倒老維摩

維摩願力元無盡重現真州宰輔身舌本雷槌烹佛
祖筆端和氣活生民

四夷八蠻想風采竈婦乳兒知姓名寄語袖中調鼎
手未容扶杖獨經行

五達衢頭梵刹新著書來喚住山人折松慣掃和雲
石披衲難隨沒馬塵

亦欲便隨流水出重惟我法付王臣回看坐睡橫眠
處折脚鐺兒解笑人

龜毛索子衲僧冤闍角關西亦被穿小犢鼻頭無覓

撰述
卷之五
四
處聽渠露地且閑眠

初到善谿慧照庵寄張無盡五首

明月洲頭一笛風暮雲滅盡水吞空倚筇笑語無人
問疑是西湖落夢中

山勒回流作窟盤翠蘿綰帶結鴛鸞故應此境幽難
盡乞與庵僧自在看

形勝迥分千里遠地靈還受衆峯朝從來慶澤流無
盡異事先看繼八蕭

世辯不妨無骨舌好山難絆自由身從教折脚鐺兒
笑且欲南來識鳳麟

公有自然台輔望與民同樂亦同憂我慚雅思非支
遁亦伴東山爛熳游

無盡見和復次其韻五首

謾說毗耶問疾風主賓信手盡虛空爭如快活月洲
老萬事收藏一笑中

窓外雲閒如去鶴門前山好似翔鸞此時更有疑情
在試借疑情面目看

一丘一壑思迢迢莫把山林較市朝江上相逢兩無
語夕陽衰草暮蕭蕭

公是睡龍今縮首我如江月且分身人間一戲成何

事塚外君看半臥麟
雖然無證復無修
撲破虛空亦可憂
欲識老龐端的
處飯餘摩腹且閒游

又次韻答之十首

金篦抉膜去重重
露出當時晦昧空
撥轉上頭關
子莫教更墮有無中

晚來妙語逼人寒
逸氣翩翩棲鳳鸞
珍重平生造物
手十分拈出與人看

擁衾睡美無人喚
閑憶當年趁早朝
今伴赤松聊卒
歲後來功業付曹蕭

衆生煩惱亂如塵
共現如來智智身
自笑露腮狂寶
誌識公天上石麒麟

樓閣不勞彈指入
衆魔相顧忽驚憂
回光却復思初
友從此南詢可罷游

此法從來妙莫窮
何須癡坐學觀空
劈開結角羅紋
處攝入圓伊三點中

法本無差須揀擇
楚雞元不是青鸞
當機一鍬三關
破覲體分明箭後看

雲林一塢正寥寥
不把清閒負聖朝
歲晚追隨真可
盡行人明日馬蕭蕭

我亦從來徹骨貧誰知徧界不藏身住山鋤斧勞收
取不是青源衆獸麟

一笑相看萬事休公無榮辱我無憂挂名入社非難
事圓寂光中不厭游

孫侯見和復次韻五首

仙郎齒頰嚼松風吟處晴巒翠倚空佳句興來渾不
惜一時傾出錦囊中

我亦聞絃知雅曲松風聲不類鳴鸞相逢意氣須傾
寫一任旁人冷眼看

歷世興亡皆可數升平不復似今朝野居興味應無
限小字明窓拔二蕭

未展事功扶聖世幅巾林下且收身善谿廣坐看談
笑駿氣駸駸地上麟

我固浮雲輕俗眼君真萱草可忘憂婦翁一室藏沙
界興發時來把臂游

再和答師復五首

愛君道骨有仙風人品渾如月在空清論不窮霏鋸
屑故應雲夢吐胷中

牛渚笑中曾捉月道山歸去亦乘鸞人間尚有餘緣
在又把塵編倒摺看

撰述
石門先生集卷一五
吾道如山欲撼搖羣兒毀譽漫前朝冷看狂罵黃冠
奕却笑辛酸合爪蕭
有味新詩名不得正如仙爪爲爬身此時風味無人
會想見麻姑擗脯麟
八瓊洞口桃花笑失却塵寰半世憂聞道客亭炊未
熟坐看凍蟻夢中游

天覺以雲庵畫像見寄謝之
老師面目無尋處藏在毗耶丈室中乞與盤山狂弟
子背拋筋斗撒顛風

次天覺韻二首

欲振雲庵出格風直教魔界化成空此邦已屬張無
盡二佛難同一化中
百千萬億恒沙佛正眼觀來總是空縱有毗耶方丈
子爲渠權置睫眉中

余嘗問無盡居士曰往問悅公參素侍者有何
言句無盡居士曰見悅說昔素問無爲如何
說悅擬開口素大笑悅當有省宣師爲侍者
余於叢林三見之矣政和元年又會于顯忠
寺且欲歸江南作三偈送之

青山自在人情外白業空消埽土中歲晚一帆江海

去羣飛爭看刺天鴻

素公死後閑名在末後句如黃石書殺盡英雄人不見子房兩眼似愁胡

無為兩字如何說開口知君病轉深試問舊時宣侍者不言不語笑吟吟

次韻魯直寄靈源三首

一觥春色紅鱗動數筆海山青玉開耳熱浩歌無說處却將佳句寫歸來

已作閉門稀識面千金爭購暮年書空餘脩水連天碧白鳥時來烟自如

閱世竟為蝸角事不妨閑作虎頭癡平生筆語難傳處獨許靈源大士知

了翁謫廉欲置華嚴託余將來以六偈見寄其略曰杖頭多少閒田地挑取華嚴入嶺來次

韻寄之

十方刹海毫端具一念交參無別路妙明廓徹不依他當念無來亦無去

妙極玄微亦昧機須明句裏電光飛眼開做夢圭峯老笑倒鹽官百衲師

平生百事耳邊風儘聽人嘲詐啞聾跌著起來還一

笑何須半夜上孤峯
 覷邏牛兒亦久如于今正好撫憐渠但能收放知時
 節吒吒常教旁屋廬
 因法相逢一笑開俯看浮出過飛埃湘南嶺外休分
 別圓寂光中共往來
 根機饒我三千倍純熟輸君一百籌誰似夢中憂患
 裏飯餘要睡卽齁齁

寄華嚴居士三首

仰惟陛下實英主鑄印消印如沛公補天正賴女媧
 手萬物吐氣思春風

文章日月不能老忠義姦邪膽自磨公能一念了萬
 法奈此功名未放何
 謝公捉鼻知不免整頓乾坤民望深勿嗔禿頭預世
 事我是同時支道林

瑩中南歸至衡陽作六首寄之

回鴈峯前醉眼醒臥看波影蘸空青起來一笛春風
 晚萬里無雲月滿汀
 醉裏南游亦偶然歸來客舍夢初圓袖中滄海煩傾
 出要看毫端浪拍天
 喧熱婆羅大火聚無厭足王刀鋸場聞道飽參俱透

過來尋初友見清涼
爭道頭陀再應緣那知南畝不陳鮮君看提起超情
句馬得幡竿尾指天
禮拜起來無伎倆拈花笑裏有精神何如眼倦拋書
睡一枕雷霆撼四隣
笑看癡蠅遭唾涎絕憐香象截流過歸來兒女團圓
坐贏得心如古井波

李光祖自了翁法窟來訪余於鍾山留十日方
知鼻孔大頭向下既行作六首送之

應思靈鷲多年別來作鍾山十日留一句鶻崙難劈

破風泉松月夜堂幽

南畝頭陀施毒手北山道者起慈心解於糞掃堆頭
笑拾得茸穿穴鼻針

六根清淨精進力二熱消亡法供真舌本青蓮香不
歇色身三昧現塵塵

分身可集呈真偽寶塔能言透死生佛眼尚難窺向
背謾煩機巧並頭爭

一切女人皆障道十分厚味最傷生登牀未敢期穿
屨見慢須防起現行

履稀瘦處却知肥間物須防獄治之虎穴魔宮同止

住寒灰枯木是男兒

寄石頭志庵主

世途巖嶮鼻先酸折脚鐺尋穩處安誰見睡餘閑振
策松風吹耳夜濤寒

石頭庵主居南嶽僅三十年忽思還江南龍安

作此寄之三首

厭看瀟湘萬頃山江南歸去臥龍安只將一味無求
法留與叢林作樣看

龍安聞說好巖叢瘦坐孤行兩頰紅剩得清閑無著
處一時排遣笑吟中

鬧中拋擲亦奇哉句裏藏身活路開生鐵心肝含笑
面不虛參見作家來

聞志公化悼之三首

去年曾陟白雲顛投老相逢亦偶然蟬蛻君今成貼
葉春蠶我已作三眠

生死已將同夜旦閑眠行樂不相妨遙知此日龍安
寺蛛網高人夢蝶牀

捍裘未減春鑪煖丈室偏宜道骨寒擺手便行呼不
應閑名在世試除看

次韻超然洞山二首

洞山正似鍾山塢慙愧新詩寫得真欲喚定林閑相
國要看清散岸綸巾

油然無定似雲閑今在江南盡處山膚寸顧吾真可
度竒峯如子未容攀

寄嶽麓禪師三首

數筆湘山衰眼力一犁春雨隔清談遙知穩靠蒲團
處碧篆香消柏子庵

飽參衲子一千指古格叢林二十年想見升堂提祖
令道容水雪照人天

湘南道價獨驚羣知是黃龍的骨孫本色住山何所

有白鷗春水自當門

示禪者

能回箭鋒射自己方肯竿頭進步行道得未生前一
句始信虛空解講經

書太平庵

興工願力經營地樓閣咄嗟金碧開滿院青春人不
管一庭蒼蘚客閑來

余將經行他山德莊自邑中馳書作詩見留是
夕胡彥通亦會二君子談達旦不寐明日霜
重共讀蔡德符兄弟所寄詩有懷其人五首

撰述
寒驢尋我亦乘興秋潑空山煙翠時脫帽不知誰主
客一燈相對夜彈碁
風徑霜清拾墮薪野炊童子解經營
脩然放著秋窻
晚籬落淒清屋角晴
精麤一飽隨緣去林壑諸方到處鄉去住子知無可
揀謾煩辭錦照人光
芻舍潛夫十年舊會茶時復坐僧氊愛將夷甫雌黃
口解說定林文字禪
蔡家兄弟好兒郎骨秀同熏知見香好在綠楊隄上
路幅巾來往自相羊

上李大卿三首

臨濟三玄劈不開近來金鎖轉生苔喜公袖手通關
楨同在靈山見佛來

與人寔法土難消道火何曾口被燒拋出秦時轆轤
鑽突圍如斗兩頭搖
不犯鋒芒平正偏分明有語是無言尋思絕處一句
好咬破方知百味全

與韓子蒼六首

雖赴來機少異之箭鋒相直出思惟訥庵言下瞠雙
目孔子元來是仲尼

從來未悟不曾迷一見庵僧更不疑脫體現前無躡
避鼻頭向下少人知

盤珠走處無留影百計推尋摸意根酬汝欲心顛倒
見哆啞元不是無言

但識綱宗無寔法爲君拈却眼中塵鴛鴦繡出從教
看莫把金針度與人

收得訥庵末後句羅敷種性覺風流海壇馬子似驢
大失曉山童不畏頭

百年應盡便應盡坐脫立亡誇小兒酪出乳中無別
法死時何苦欲先知

寄道鄉居士三首

知有道鄉何處是個中歸路滑於苔萬機罷後見城
郭一念不生金鎖開

抽身世路崎嶇處掣肘功名逼逐人勿謂老來無伎
倆絕蹤跡處解藏身

丹霞未見龐居士已有言詞滿四方何似他時親識
面未勞語默強遮藏

謁準禪師塔

同條生不同條死覲露全機誰後先一句鶻崙難劈
破一時乞與子孫傳

兩僧相繼而化有感二首

叢席凋零空斂眉
爭鋒唇吻鬪輕肥
歎無老宿提綱要
時有亡僧爲發機

賓朋鴛鴦門如市
聲價靈延一世驚
只有片時人看好
死生那解替人行

次韻誼叟

擇乳鷺王非鴨類
影鞭良馬本龍媒
正中妙叶無人會
句裏空驚法眼開

雪後寄荷塘幻住庵盲僧四首

靈光寂照神通藏
意地經營幻住庵
已喜眼根今現

證何妨要耳作同參

表裏洞然無量相
晦明無計掩藏伊
庵中但見人孤坐
門外從教事不知

荷塘寺後千竿玉
折脚鐺中五合陳
靜裏笑看垂釣者
夜深方見把針人

簷日未通孤坐暖
雪雲都放九峯青
空堦夜滴聞鈴響
臥學荷塘耳誦經

送覺上人之洞山二首

正中妙叶諱當頭
洞水從教向逆流
唱起新豐舊時曲
要看躍浪鬪泥牛

八角通紅鐵彈丸衲僧未嚼齒先酸笑中拋擲尋常
事石火敲時著眼看

謝保福寄蜜

蜜脾新滿割山房都是諸花知見香味絕中邊深爲
有待將無舌爲君嘗
太平有老僧頃見大本禪師掩門久不出乃書
跛脚阿師六世孫毗陵古寺獨關門也知祖是陳尊
宿平昔高風宛尚存

宿慈祥室

行智慧心名解脫絕荆棘地號慈祥煙消火冷諸緣
盡憎愛化爲平等光

撫州北景德寺不見古畫第五尊羅漢
十八聲聞解倒根少叢林漢亂山門知他何處擺齋
去不見堂中第五尊

留題覺軒

自笑忍飢空畫餅誰期擊竹喪全身休誇魏藥能起
死須信金塵解翳人

大風雪中廸吉老尋余鍾山二首

風聲卷地犇萬馬雪花連空若推下道人軒渠何所

來笑裏丹沙不知價
萬事信緣安樂法一身隨分實頭禪不知影草聲前
句何似和衣粥後眠

背塵軒

思慮不及猶為物分別未忘都是夢阿難樹見竟難
分曹谿風幡元不動

次韻廓然送瑄上人

營辦勝緣真戲事臨平此偈亦逢場妙無影迹如龍
句應笑癡人辱夜塘

游南禪

智光廣大精進力化作人間釋梵宮我亦生涯無一
鉢伴公他日聽樓鐘

十生觀音生辰燒香偈示智俱

十世為僧生復死今朝生死不相干從來被眼常遮
蓋不信如今借汝看

題自肯庵

諸方說禪炙手熱此庵默坐如冰冷美食不中飽人
殮他人不肯我自肯

與朱世英夜論玄沙香嚴雲庵宗旨三首

子母俱忘脫體看纖毫纔動被渠瞞若非豎亞頂門

眼那辨紅鑪點雪寒
言下百骸俱脫盡更無一法覆藏伊亡僧對面分明
看却是禪和眼搭癡
睡美春來常失曉日高衾暖懶翻身戲將古寺閑房
趣誇與鬧中無事人

立上人北遊五頂南還盡文殊雲間之相余政
和年秋遊翠巖立持以展洪崖橋上時山雲
廓清萬峯劔立谿轉雷驚行人悚動忽瞻瑞
相如見於岱嶽時余聞文殊爲根本智智無
不立豈獨現於五頂耶

稽首一切智成就譬如一月落萬水乃知洪崖橋上
看不離文殊一月體

題永安居士軒壁

謾說難酬彼上人上人言語未全真世間所有皆虛
幻何獨芭蕉可喻身

出山寄詮上人

孤筇冒雨出山去應與道人增笑聲永愧蕭蕭碧巖
下衲衣清散自經行

送一萬回

當年隨我出西州到處雲山共勝游那料秦淮烟雨

裏倚筇看子上孤舟

道逢南嶽太上人游京師戲贈其行

野外相逢一笑新十年峯頂臥雲人却將南楚登山脚去踏東華沒馬塵

僧從事文字禪三首

中郎書異爲忠孝右轄詩清付水雲林下一燈長到曉此生真復是知聞

一麟衆角失精彩尺璧千巖發耿光借面北人無四目獨餘方寸是慈祥

三多授子文章法壞衲酬吾老大心簾卷暮涼烟翠

重一聲雲斧覺山深

金陵獄中謝人惠茶

寶公關鑊尋常事諗老家風氣味長十載故人情外意一杯今日雨前香

隨與珉秀七八衲子爲辦寒具

幽人十月猶絺綌萬瓦霜清木葉號賴有西隣念衰冷夜窓叢手辦衣袍

寄道夫三首

臥誦故交風雨散忽驚時序歲時同遙知吏散無餘事只有花枝遶郭紅

石渠天祿略上口長嘯簿書欺得人龍卷大身藏一
髮兒曹聊爾與相親

昭默老禪最高遁孤風聞說不容攀煩君倒用彭澤
印折簡招之應出山

會廣南因上人

我昔南游跨海還夢中常憶海邊山匡廬忽見山中
客果笑人間是夢間

超然在東華作此招之

芒鞋踏破成何事坐榻塵埋只汗顏齋鉢生涯唯澗
飲結茅終待老鍾山

時余適金陵定居定林超然將南歸從余游以

爲詩識也復次其韻

袖手對君增白業照溪嗟我減朱顏遙知歲晚歸心
急不爲江南臥看山

圓上人覓詩

平生百態不掛眼倚杖看雲慵解包湘水叢林多古
格何妨一鉢穩安巢

至邵州示胡強仲三首

平生厭飲水雲間老境優游剩得閑遠謫瘴鄉君勿
歎天教更看海南山

撰述
石門文正卷一五
二十一
情緣不斷自消滅浮念欲生無起因多謝鍊磨金出
鑛敢辭枷鎖夢中身
盧能嶺上容君看彌勒樓前借汝觀成佛捷途當舉
足不須平地致艱難

書資國寺壁

行藏獨許青山見議論猶容亂石聞勿謂衲盲貧勝
我谿分明月谷量雲

送圓監寺持鉢之邵陽

叢林職似驚羣鴈供給情如反哺烏梅藥犯寒持鉢
去山茶出屋得歸無

贈欽上人

嫩日柔風春恰曉花光醉人濃可自到山不必問老
師春色爲儂都說了

與法護禪者

手抄禪林僧寶傳暗誦石門文字禪揀得湘西好三
角春風歸去弄雲泉

示觀上人

觀公短小精悍色試手來參五味禪挂起北窓都會
取湘江雲水自連天

在百丈寄靈源禪師二首

暗中樹影平生意水底魚蹤病後機想見道容無住
著倚藤閑看暮雲歸

平昔追隨骨海心暮年粥飯並叢林竭來萬事撩人
笑此去青山為我深

次韻兀翁

漁人寄語兀翁道出沒煙波各有由死見鑊湯如擲
浪愛魚心在未甘休

次韻空印遊山九首

法真有子是彌天派出南屏共一源魯鈍經旬陪夜
語浪持短綆汲深淵

危徑盤空一線微游人舉足已先疲大圓光透難遮
掩不學龍牙眼似眉

騰騰兀兀地行仙依約曾參蜺子禪古廟紙錢堆裏
睡從教歲月自推遷

萬層翠巘玉崔嵬獨自凭闌日幾回知有芙蓉更深
秀振筇何幸獲追陪

凝佇殘陽眼力微孤雲偶伴野僧歸形容萬古瀉山
色正賴晴嵐與夕暉

蟠龍不許在層淵一句全提賴發宣慚愧兒孫家法
在未施聲色透重玄

寶塔當煩妙語傳要令此地福人天個中已有全身
見何用分身徧大千
未言酬倡多佳句半月游山亦自賢我亦生涯無窖
子願陪香火餞餘年
大瀉願力有誰同貫日精神吐白虹我酌軾公泉歎
息此源有盡水無窮

宗上人求偈之江南

川舌一從嘗虜饌山衣三載濕湘雲挑包又過江南
去鷓鴣遙知半路聞

送範上人乞食

衆魔不敵精進力萬行難過平等心持鉢莫辭穿聚
落道人隨處是叢林

濟上人求偈二首

圓通槌碎牢關後古鏡發光金石開穩坐龍安今七
日從教山路滑於苔
李珣骨已成丘壟仲遜身猶占水雲扶策南來山滿
眼實頭鄉話與誰論

芭蕉

鳳尾爭高照映人玉芽明潔出埃塵也知欲救衆生
病其現如來智智身

次韻無諍見懷三首

韻傾瘦字試烏絲苦語偏多別後思青巘君能容易
去白鷗愧我負幽期

數篙雲碧卷晴空無數巖花落醉紅滿袖東風踈雨
後却欣春露一甌同

老眼慵看讀過書十年心迹更誰於青松我欲追三
徑白髮誰令繼二疏

三月二十日夢人持獼猴見贈乞詩口占

長臂幽姿耍性靈寫經欣得爾添瓶不須睡著惺惺
著窗外聞人喚便應

三月二十三日心禪餉余新麪白蜜作二首

三月東莊新麥熟碾遲羅細玉塵香要看十字開籠
餅寄與庵頭老儼嘗

老儼年來百不忤最嫌苦淡不嫌甜蜜中有味中邊
絕莫笑山居世味添

與謙知藏二首

老爛叢林四十年平生跛挈但隨緣未言親見雲居
老只識歸言亦自賢

諸方法席慵擡眼懶懂成羣妬忌深此老把茅如覆
頂却能努力捍叢林

撰述
木上人久游歸宗贈之二首

熏烝聞見有源流詩學寒谿老比丘
勿訝談禪太文彩從來虎穴不生彪
攜詩過我亦翛然百孔寒光壞衲穿
日與廬山對酬酢故應妙語嚼芳鮮

游登然亭

道火何曾燒著口問透法身藏北斗
當時我若見雲門一杖打殺乞與狗

臨濟大師生辰

靖康二年四月十眼見耳聞信不及
三玄三要都揭

開露出法身赤吉力

瀟湘八景

山市晴嵐

朝霞散綺仗天容無際山嵐分外濃
風土蕭條人跡靜林蹊花木自鮮穠

洞庭秋色

秋霽湖平徹底清滄浪隱映曜光輪
寒光炯炯爲誰好倚岸凭欄興最清

江天暮雪

長空暝色黯陰雲六出飄花墮水濱
萬境沉沉天籟

